

LOMKHULU KUNASOLOMONI

ULAPHA MANJE

Asichubeke nekuma umzuzwana nje, sisafundza Livi leNkhosi. Nine leningatsandza kuvula ekufundvwemi kwemBhalo, kusihlwa, vulani kuMatewu 12, sicale ngelivesi lema 38.

Futsi lapho, *khona-ke labatsite kubabhalu nebaFarisi baphendvula, batsi, Nkhosi, sifuna sibonakaliso lesivela kuwe.*

Kodvwa waphendvula watsi kubo, Situkulwane lesibi nalesiphingako sifuna sibonakaliso; futsi akuyubakhona sibonakaliso lesinikuwa sona, kodvwa sibonakaliso semprofethi Jona:

Ngoba njengaloko Jona bekasesiswini semkhoma tinsuku letintsantfu nebusuku lobutsatfu; kanjalo neNdvodzana yemuntfu iyoba senhlitiyweni yemhlaba tinsuku letintsantfu nebusuku lobutsatfu.

Bantfu baseNineve bayosukuma ekwahlulelweni kanye nalesitukulwane lesi, futsi basilahle: ngoba baphendvuka ngekushumayela kwaJona; futsi, bukani, lapha kukhona lomkhulu kunaJona.

Indlovukazi yaseningizimu iyosukuma ekwahlulelweni nalesitukulwane lesi, futsi itosilahla: ngoba yavela emikhawulweni yemhlaba itokuva kuhlakanipha kwaSolomoni; futsi, bukani, lapha kukhona lomkhulu kunaSolomoni.

² Asikhotsamise tinhloko tetfu. Tinhloko tetfu netinhlitiyo tetfu tikhotseme eBukhoneni baKhe, ngabe sikhona yini sicelo ekhatsi lapha kusihlwa, longatsandza kukhunjulwa emkhulekwensi na? Uma kunjalo, phakamisani tandla tenu nje, futsi nibonakalise ngaloko, “Nkulunkulu, vani sicelo sami.” Manje khulekani ngekuthula sisaya emkhulekwensi.

³ Babe wetfu loseZulwini, sitsatsa loku kuyinhlanhla lenkhulu kunato tonkhe lesinato ngakuloluhlangotsi lweNkhatimulo, kutohlangana ebandleni lebantfu labaholelwa kuWe, kutsi lapho singalindzela khona Bukhona baKho, ngoba kuhambisana nesetsembiso saKho. Wena watsi, “Lapho kukhona lababili noma labatsatfu babutsene ngeliGama laMi, Ngikhona lapho emkhatsini. Futsi uma bangavumelana kunoma nguyiphi intfo letsite, futsi bacele, batowuphiwa.” Nkhosi, intfo lenkhulu kunato tonkhe lesingavumelana etikwayo, kusihlwa, kutsi

Utohlangana natsi nje, kute sibuke Bukhona baKho, siBuve emimoyeni yetfu, futsi sati kutsi Wena ulapha. Futsi eBukhoneni baKho, siyativeda kutsi singatfulula tinhlitiyo tetfu, ngekuncusa. Futsi njengoba sizindla ngaWe, kwangatsi singeva lomcondvo lomkhulu wemphendvulo yemikhuleko yetfu, njengoba sicela manje eGameni laJesu Khristu. Amen.

Ningahlala phansi.

⁴ Ngifuna kutsatsa sifundvo, iNkhosi itsandza, ngaleminye imiBhalo lengiyibhale lapha, kwemizuzwana lembalwa nje ngaphambi kwekutsi siye emkhulekweni walabagulako, etikwesifundvo lesitsi: *Lomkhulu KunaSolomoni Ulapha Manje.*

⁵ Siyatfola ekucaleni kwetfu kwemBhalo kusihlwa, lapho sihloko setfu sitfolakala khona, kutsi Jesu bekaphikisana nebaFarisi. Bekabakhuta, ngenca yekutsi bebangaKamcondzi. INDvodza, kutsi bosiyazi betenkholo lebebakadze baceceshiwe, babuke sikhatsi sekubonakala kwaKhe, kwase kutsi-ke, ngesikhatsi Efika, abaMcondzanga kahle futsi bebaMbita nga, “develi.” Batsi inkonzo Lebekanayo yadeveli, ngoba Bekakhona kuhlola imicabango leyayisetinhlitiyweni tabo, futsi ngaloku baMcabanga kutsi uluhlobo lolutsite lwe—lwenyangamtsakatsi noma labanye njengembhuli; futsi noma ngubani uyati kutsi loko yimimoya lemibi. Futsi-ke, kubita umsebenti waNkulunkulu, “umoya lomubi,” wawuyinhlamba.

⁶ Futsi Bekabatjelile kutsi Utobatsetselela ngako, ngoba Moya loyiNgewelete bekasengakefiki kwamanje kutotsambisa tinhlitiyo tabo neku—kubenta babesesimeni kute bacondze Nkulunkulu. Bebatinhlitiyo tatikhashane naNkulunkulu. Lebebakwati kuphela kwakuyisayensi yetenkholo lebandzako yemtsetfo, futsi bebasengakamemukeli Moya loyiNgewelete. Kodywa Watsi, “Uma Moya loyiNgewelete sekefikile futsi enta intfo lefanako, kukhuluma ngekumelana naLowo, angeke kutsetselelwe kulelive kanjalo naseveni lelitako.”

⁷ Futsi bengicabanga njengoba bengifundza loku, kulentsambama, futsi ngizindla ngako, kutsi kanjani kutsi bona, lomunye wabo lapha, uta kuYe, ngendlela legegako, futsi waMbuta, watsi, “Nkhosi, sitawubona sibonakaliso lesivela kuWe.” Ngalamany’emagama, emaJuda bekahlala njalo afundziswa kutsi akholwe tibonakaliso. EmaJuda afuna tibonakaliso, sonkhe sikhatsi; nenhlakanipho yemaGrikhi. Futsi sitfola kutsi lamaJuda beketsembele esibonakalisweni.

⁸ Manje, kubu—kubufakazi kanjani na lobumelene nalomFarisi, kutsi yena mhlawumbe ngekwati imiBhalo, kutsi sibonakaliso saMesiya, Jesu bekasavele asentile, nemehlo akhe aba myyama kakhulu ngangekutsi akasicondzanga. Jesu bekanako, Jesu bekanikete sibonakaliso sebuMesiya seliciniso

lesetsenjiswa emBhalweni. Kodvwa yena bekafuna lolunye luhlolo lwesibonakaliso.

⁹ Futsi loko kume kuliciniso kanjani pho kubothishela banamuhla, nebantfu banamuhla. Bangayibona intfo lecinile nasemBhalweni, leyetsenjiswa nguNkulunkulu, kwelusuku. Futsi-ke bangakubona Loko, kodvwa noko babuke embili entfweni letsite, bafuna kubona lenye intfo letsite, futsi bangasitsatsi sibonakaliso sesikhatsi.

¹⁰ Wabatjela kanye, watsi, "Niyakwati kuchaza tibhakabhaka uma sibhejile sinemafu, sibovu. Utawutsi, uma sibhejile ngemafu futsi sibovu, 'kusasa kutawuba simo selitulu lesibi,' nakanjalonjalo." Kodvwa watsi, "Niyakwati kuchaza tibonakaliso etibhakabhakeni, kodvwa, tibonakaliso tesikhatsi, anicondzi." Ngoba ecinisweni umBhalo wawushito kutsi loMesiya uyoba ngumprofethi.

¹¹ Siyati kutsi indlela yaNkulunkulu yekwenta tintfo yayihlala njalo itfumela umprofethi kucinisekisa umlayeto waKhe. Akukaze kwehluleke. Akuyuze kwehluleke. Nkulunkulu angeke ayigucule indlela yaKhe. Kutsi sincumo saKhe sekucala siyini, sifanele sihlale singaleyondlela njalo. Loko Lakushoko kuliciniso.

¹² Nkulunkulu akazange sekasebente emacenjini lamakhulu. Uhlala njalo asebentana nemuntfu ngamunye. Ubatsetse kanjalo-ke bantfu kubeTive beliGama laKhe; umuntfu ngamunye nje, munye lapha nalaphaya, beliGama laKhe. Usebentana nemuntfu ngamunye, hhayi ngemacembu.

¹³ Futsi sitfola kutsi sizatfu bebakukholwa loku, kutsi umprofethi ufanele abe ngufakazi lokhonjiwe waNkulunkulu. Ngoba uma asho noma yini, futsi kufefezeke; futsi washo futsi, futsi kuyafezeka; futsi noma yini layisho, Nkulunkulu wakucinisekisa kutsi kuliciniso, khona-ke Watsi, "Muveni, ngoba Nginaye."

¹⁴ Manje sitfola kutsi Mosi, lebebatisho kutsi bakholelwa kuye, bekabatjelile kutsi, "INkhosi Nkulunkulu wenu iyonivusela umProfethi lonjengami, kuYe bantfu bafanele beve. Futsi wonkhe lobekangamkholwa lomProfethi uyoncunywa kubantfu."

¹⁵ Sitfola kutsi loko kuliciniso. "Weta kubaKhe luCobo; baKhe luCobo abaMemukelanga. Kodvwa labanengi labaMemukela, baMnika emandla, babanika emandla kutsi babe ngemadvodzana aNkulunkulu."

¹⁶ Sitfola kanjani labaFarisi laba babuka kahle, nebaSadusi, etikwaloko kanye nje setsembiso saNkulunkulu lesatsi Uyokwenta. Futsi nabo bebasafuna sibonakaliso, angati kutsi leso kwakusibonakaliso sebuMesiya seliciniso Lebekafanele asinikete.

¹⁷ Filiphu wakucondza, ngesikhatsi Amtjela kutsi bekakuphi ngayitolo. Wacondza kutsi lowo kwakunguMesiya, watsi, "Wena unguKhristu, futsi UyiNkhosi ya-Israyeli." Futsi ngako wa—wakucondza loko ngoba wanikwa loko. Wanikwa.

¹⁸ Jesu watsi, "Akekho umuntfu longeta kiMi ngaphandle Babe amdvonse. Nako konkhe Babe laNgiphe kona kutawuta kiMi." Akunandzaba kutsi sitama kangakanani kungena noma ngayiphi lenye indlela, kufanele kube nguNkulunkulu. "Akuyi ngalotsandzako, noma loyo logijimako, nguNkulunkulu lokhombisa sihawu." Nkulunkulu nguYe lowenta kukhetsa. "AniNgikhetsanga," kwasho Jesu, "Nganikhetsa."

¹⁹ Futsi manje sitfola kutsi umphiki-Khristu, ngelusuku lwekugcina, "uyodukisa bonkhe labahlala etikwemhlaba, labo emagama abo langabhalwanga eNcwadzini yekuPhila yeliWundlu kusukela kwasekelwa umhlaba." Ligama lakho lafakwa eNcwadzini yaNkulunkulu ngaphambi kwekutsi liWundlu lihlatjwe. Ngesikhatsi luhlelo IwaKhe lubekwa ngephandle, yonkhe lentfo, wacondywa kulolohlelo ngoba unekuPhila lokuPhakadze. Ligama *Phakadze*, alizange licale futsi kanjalo lingeke liphele, futsi uyincenyе yekucabanga kwaNkulunkulu ngaphambi kwekutsi umhlaba uke udalwe. Nguleyondlela kuphela longaba nekuPhila lokuPhakadze ngayo. Naloko kuPhila, loko Lebekakucabanga ngawe, kukuwe manje. Ayikho indlela yekukwehlukanisa. Kusekhatsi lapho kutsi kuhlale.

²⁰ Caphelani manje, labaFarisi laba, noko bababothishela labakholwako, tifundiswa letinkhulu tesayensi yetenkholo, futsi wadadisha leNcwadzi, imini nebusuku, wehluleka kubona lesosibonakaliso sebuMesiya, futsi bekalapha atama kuMcela sibonakaliso.

²¹ Kute ngichubele embili lentfo, kunatisa kutsi Nkulunkulu sonkhe sikhatsi uniketa tibonakaliso. Ngoba Ungetulu kwemvelo, Uhlala njalo asebentana nebantfu ngetibonakaliso, tibonakaliso temBhalo.

²² EThestamentini leLidzala, ngesikhatsi bebane—nembuto, lomunye waphupha liphupho, futsi kwakungekho—kungekho mprofethi lapho, bamehlisela ethempelini, lapho bebanaloko lebebakubita nge-Urimi Thumimi. Nine bafundzisi beliBhayibheli niyacondza kutsi ngichaza kutsini. Kwakusi—sivikelo sesifuba Aroni lebekasigcokile, lesasinematje lalishumi nakubili lebekamele tive letilishumi nakubili taka-Israyeli. Bebakulengisa loko esigcotjeni; bese-ke uma lomprofethi, noma lomphuphi, noma ngabe kwakuyini, watjela umbono wakhe noma liphupho lakhe, kungakhatsaleki kutsi kwakubonakala kungiko sibili kanjani, uma letotibane lettingetulu kwemvelo tingaveli, enta i-Urimi Thumimi kulesosivikelo sesifuba, saliwa. Nkulunkulu wasala.

²³ Bakufanele tibe sibonakaliso lesingetulu kwemvelo lesivela kuNkulunkulu, kucinisekisa. Akunandzaba kutsi kungiko sibili kanjani, kutsi kwakujuje kangakanani kusayensi yetenkholo, kutsi kwakuvakala kahle kangakanani, kusasolo kunjalo, uma sibonakaliso lesingetulu kwemvelo saNkulunkulu sasingakucinisekisi, kwakungenjalo, eJuden.

²⁴ Manje, liThestamenti leLidzala, lipulete la-Aroni lase lisusiwe, ngesiVumelwano leSidzala.

²⁵ Kodvwa eSivumelwaneni leSisha, Nkulunkulu usasolo akanye ne-Urimi Thumimi. Loko kutsi, uma umprofethi, umphuphi, siyazi wetenkholo, noma ngabe kuyini, akhuluma intfo lephambene neLivi, naNkulunkulu akaliphindzi ngeLivi, ngitoliyekela kanjalo, ngoba Liyi-Urimi Thumimi yaNkulunkulu. Futsi ngiyakukholwa ngenhlitiyo yami yonkhe, kutsi liLivi laNkulunkulu.

²⁶ NaNkulunkulu uLivi laKhe luCobo. “Ekucaleni bekakhona Livi, Livi bekakuNkulunkulu naLivi bekanguNkulunkulu. NaLivi waba yinyama wahlala emkhatsini wetfu.” “Unguye itolo, namuhla, naphakadze.” Unguye, namanje. Nkulunkulu akadzingi mhumushi.

²⁷ Siyahumusha, sitsi, “*Loku, loku ngulokwa, naloku ngulokwa,*” nakanjalonjalo.

²⁸ Nkulunkulu akadzingi umhumushi. Ungumhumushi waKhe Yena. Nkulunkulu akasidzingi kutsi sihumshe Livi laKhe. LiBhayibheli, Libhaliwe, futsi Latsi Alinalihumusho langansense. Nkulunkulu watsi, ekucaleni, “akubekhona kukhanya,” futsi kwabakhona kukhanya. Loko kuhunyushwa kwako. Nkulunkulu watsi, “intfombi ntfo iyokhulelwa,” futsi yakhulelwa. Loko kuhunyushwa kwako. Akudzingi muntfu kutsi ahumushe.

²⁹ Nkulunkulu watsi, kulolusuku, letintfo leti tiyokwenteka, futsi tinjalo. Akudzingi kuhunyushwa. NguNkulunkulu enta kuhumusha kwaKhe luCobo. Kuyenteka. Akunandzaba kutsi sitama kangakanani kuLijikisa, futsi sitsi, “Alichazi kona *Loku*, futsi alichazi kona *Loko*.” Kuchaza kona impela nje, naNkulunkulu ungumhumushi waKhe Yena. Ucinisekisa Livi laKhe, futsi loko kuhumusha kwaKhe kwaLo, ngoba Lifezekisiwe.

³⁰ Manje sitfolo labafo laba lapho, kuMatewu sahluko se 12, livesi lema 38 kuya kulema 40, futsi bebaMcela, “Nkhosi, sifuna sibonakaliso lesivela kuWe.”

³¹ Futsi Bekabasola ngoba bebangaKamkholwa, futsi babite wona kanye loMoya lowawuseTikwakhe, “umoya lomubi,” ngekungakholwa kwabo, nganca yekutsi bebangeke baMkhombe emkhatsini webafundisi babo—bab. Bebaneke bakhombe (baKhe) lapho Avela khona. Bebangati kutsi Wavela kusiphi sikolwa, noma ngabe BekangumFarisi noma umSadusi;

futsi bekahlala njalo atama kudzilita tibhedlela tabo tesayensi yetenkholo, futsi ababita nge sicuku se “tinyoka.” Futsi, ngani, bebangeke baMkhombe nomakuphi. Futsi ngako, “LoMuntfu wavelaphi na? Asati kutsi Uvelaphi.” Futsi abasicondzanga sona impela sibonakaliso, kutsi BekanguMesiya, bekalapho.

³² Manje, njengalowo wesifazane lomncane emtfonjeni, sikhulume ngaye ebusuku bakutsanti. Wakucondza, futsi kwamentela lokutsite. Nalabo labakubona—kona, bebayimbewu yaNkulunkulu leyayitobitwa ngalolosuku.

³³ Nkulunkulu, futsi njalo ngetikhatsi tonkhe, bekahlala njalo aniketa tiphiwo takamoya kubantfu baKhe. Ukhonjwa kanjalo—ke futsi uwatiwa, ngetiphiwo tamoya. Futsi uma Nkulunkulu atfumela siphiko sakamoya kubantfu baKhe, nalesosiphiwo sakamoya saliwe, khona—ke kutsi—kutsi bantfu bangena ebunyamani bencushuncushu. Sonkhe sikhatsi, kuyoyonkhe leminyaka, uma Nkulunkulu atfumela intfo letsite kubantfu, siphiko, futsi bayasencaba, kutsi bantfu waliwa nguNkulunkulu ngoba wala umusa waNkulunkulu.

³⁴ O, bekuyoba kuphepha lokunjani pho, kusihlwa, kwakuyoba kukhulu kangakanani kunato tonkhe letakhwi tebhomo nato—nato tonkhe letindzawo lesingake siticabange, uma lesive lesi, lesibitwa ngesive semaKhristu, bekangasemukela siphiko saNkulunkulu lesiniketwe sona, Moya loyiNgcwele lomkhulu watfululwa kuleti tinsuku tekugcina. Nekutsi uma lesive lesi besiyokwemukela kanjani Loko, bekuyoba kuphepha kakhulu kunanoma yini lebangafinyelela kuyo. Kodvwa baLencaba, ngako akukho lutfo lolusele ngaphandle kwencushuncushu nekwehlulelwa.

³⁵ Yonkhe iminyaka, Waniketa letiphiwo leti letinkhulu takamoya. Futsi caphelani sonkhe sikhatsi kufika kwesiphiwo sakamoya, siphiko seliciniso; Ngifuna kukhuluma, ngalobunye busuku, nge “liPhimbo lesiphiwo,” kodvwa uma iNkholosi itsandza. Kodvwa sonkhe sikhatsi letiphiwo leti ngalokwejwayelekile timenyetelwe baprofethi. Bese—ke uma ubona umprofethi avuka enkhundleni, loko kukhombisa kutsi kwehlulela sekusondzele. Manje sibonakaliso, uma ubona umprofethi lokhonjiwe waNkulunkulu avuka enkhundleni; etinsukwini taJeremiya, ngetinsuku taDanyela, ngetinsuku ta—taJohane umBhabhatisi, etinsukwini teNkholosi Jesu, nako konkhe kwehle njalo. Uma umprofethi avuka enkhundleni, sekusikhatsi sekutsi Nkulunkulu utokhuluma Livi laKhe. Tive tiyaLencaba, bese—ke kungena incushuncushu.

³⁶ Nguleyondlela lokwakungiyo ekuguculweni kweminyaka yelibandla, sikhatsi ngasinye, ngesikhatsi umlayeto wawaliwe. Futsi Nkulunkulu aniketa letiphiwo leti nemilayeto kubantfu,

futsi bayatala, khona-ke akusekho lokusele ngaphandle kwekwahlulewa.

³⁷ Nkulunkulu ulungile. Angeke atfumele kwehlulela ngaphambi kwekutsi Anikete umusa. Futsi umusa uyashiwo ngaphambili nekutsi kutofika kanjani, kodvwa bantfu ngalokwejwayelekile uhlangahlangene ngako konkhe, nasetingcondvweni tabo, nalamanengi kakhulu emasu lentiwe bantfu lehlukene, baze bangaLicondzi. Futsi nguleyondlela njalo lelihlala lenta ngayo.

³⁸ Manje sitfola kutsi Wabatjela kutsi, “Le—lesikhohlakele nalesiphingako situkulwane sifuna tibonakaliso.” Kukangakhi longakholwa asitakala ngaloku, ngetibonakaliso temBhalo, futsi bangatikolwa!

³⁹ Nkulunkulu uhlala akhulumna ngetibonakaliso. Bekasolo akwenta. Uyobesolo akwenta njalo. Kuphela nje uma kunelive, Uyosolo akhulumna ngetibonakaliso tamoya. Washo ngaphambili kutsi tiyofika.

⁴⁰ Manje labanengi balabangakholwa batsatsa loko, ngesikhatsi Atsi, “Lesibi nalo, noma, situkulwane lesibutsakatsaka nalesiphingako sifuna tibonakaliso.”

⁴¹ Bukisisani, Bekakhulumna ngesiprofetho lesiyinhlanganisela lapha. Bekabatjela futsi kutsi bebasitukulwane lesibutsakatsaka nalesiphingako; futsi abatjela futsi kutsi nomangusiphi situkulwane lesibutsakatsaka nalesiphingako, nalesinye lesiyofika, siyokwemukela sibonakaliso. Caphelani, Watsi, “Situkulwane lesibutsakatsaka nalesiphingako sifuna sibonakaliso; futsi akuyubakhona sibonakaliso lesinikwa sona, kodvwa sibonakaliso saJona. Ngoba njengoba Jona bekasesiswini senhlati, tinsuku letintsatfu nebusuku; kanjalo neNdvodzana yemuntfu ifanele ibe senhlitiywani yemhlaba, tinsuku letintsatfu nebusuku.”

⁴² Bekatsini Yena lapha? Bekasho, kutsi, “Situkulwane lesibi nalesiphingako siyosemukela sibonakaliso sekuvuka ekufeni.” Futsi nguwuphi lomunye umyaka lesesifike kuwo, ukhona lomunye kwendlula lesikuwo nje manje, ekwencatjwени kwaKhristu, lesibi, lesiphendvuketelwe, situkulwane lesiphingako na? Futsi bayokwemukela sibonakaliso, sibonakaliso sekuvuka ekufeni, kutsi Jesu Khristu uyaphila kusihlwa kangangoba nje Bekasolo anjalo. Urukile kulabafile, kuMenta longuye itolo, namuhla, naphakadze. “Situkulwane lesibutsakatsaka nalesiphingako sifuna sibonakaliso, futsi batositfola, nesibonakaliso siyoba sibonakaliso sekuvuka.” Manje, kusobala, Bekakhulumna nabo, kutsi Bekatovuka kulabafile.

⁴³ Tikhatsi letinengi, umBhalo unalokujwayelekile kwawo, noma inchazelo yawo lekanengi. NjengakuMatewu 3 nje, kwatsi, “Kute kugcwaliseke lokwakhulunywa yiNkhosi ngemprofethi,

kutsi, ‘Ngibitile iNdvodzana yaMi iphume eGibhithe.’” Manje uma utsatsisela emuva loko, kukuHoseya, futsi wakuprofetha loko, “Uphuma eGibhithe Wabita indvodzana yaNkulunkulu,” lokwakungu-Israyeli. Jakobe bekayindvodzana yaNkulunkulu, futsi Wambita aphume eGibhithe. Kulapho la inkhomba ikuyisa khona. Kodvwa, futsi, Khristu bekayiNdvodzana yaKhe lenkhulu kakhulu, futsi WaMbita aphume, Israyeli angumfanekiso.

⁴⁴ Futsi ngako loko kuluhlobo lekwencaba Khristu, kulesositukulwane; lona ngumfanekiso lomkhulu kakhulu, kwalesositukulwane lesala kuvuka ekufeni saba nekucolelwa, kodvwa lesitukulwane lesi lesihlekisa ngaMoya loNgcwele singulesi ngenakutsetselelwa. Si...Mkhulu lowo lowala Moya loyiNgcwele kunalowo lowala Jesu Khristu ngetinsuku tenyama yaKhe emhlabeni. Jesu washo njalo, “Nikhuluma nimelane neNdvodzana yemunfu,” ngesikhatsi batsi Bekangumbhuli noma lomunye umoya lomubi, watsi, “nikhuluma nimelane neNdvodzana yemunfu, nitawutsetselelwa kona. Kodvwa lokhuluma livi lelimelene naMoya loNgcwele, angeke batsetselelwe kulelive leli,” lokukutsi, kubita kusebenta kwaMoya loNgcwele ngalokubi, intfo lengcolile, uma babona umsebenti waNkulunkulu wentiwa.

⁴⁵ Yebo, Jona bekangufakazi wekuvuka kulabafile, njengoba bekanjalo esiswini semkhoma tinsuku letintsatfu nebusuku. Bantfu labanengi batama kulahla Jona, futsi basho kutsi, “O, yena, wonkh’umunfu, bekanguJona.” Jona bekangumprofethi. Bekahamba impela entsandvwensi yaNkulunkulu. Ngesikhatsi atsatsa lowomkhumbi longakalungi wase uphumela lapho, loko kwakufanele kwentiwe, kufanele kube ngaleyondlela kukhombisa kuvuka kwaJesu Khristu. Bekafanele akudlale loko, ngalokufanako nje njengoba Hagari akhishelwa ngephandle, kutsi wesifazane lokhululekile bekangeke abe yindlalifa kanye nesigcilakati. Letintfo leti tatifanele tenteke, tatititfunti nemifanekiso yetintfo letitako.

⁴⁶ Manje siyatfola, Uyehla ke, emvakwekukhuluma ngaJona, futsi Uta emnyakeni waSolomoni. Manje, sonkhe siyati kutsi umnyaka waSolomoni wawuyiminyaka leyiNkhulungwane, cishe impela, weliThestamenti leLidzala. Kwakusikhatsi lesikhulu kunato tonkhe, sawo wonkhe Israyeli lake aba naso, kwakungaphansi kwekubusa kwaSolomoni; kungekho timphi lokungakhulunyuwa ngato, futsi bebanesikhatsi lesimnandzi. Nkulunkulu waniketa Solomoni, lobekayindvodzana yaDavide, wamnika siphiko sekuhlolola lokufihlakele, futsi manje bekakhona kuhlolola imicabango enhlitiywani yebantfu.

⁴⁷ Manje, kutsi lowomHebheru eme kanjani lapho bekafanele akucondze loko! Solomoni bekane—nesiphiwo sekuhlolola lokufihlakele futsi bekakhona kuhlolola imicabango enhlitiywani yabo, futsi bonkhe babutsana kuSolomoni,

kepha noko naku kume lomkhulu kunaSolomoni. NaSolomoni bekayindvodzana yaDavide, kodvwa bekayindvodzana yaDavide lengaphansana, ngenyama; naJesu bekayiNdvodzana yaDavide, ngeNtalo yesetsembiso, iNtalo yebukhosi. Futsi lapha kwakungulomkhulu kunaSolomoni eme lapho, enta intfo lefanako leyentiwa nguSolomoni, kuphela angulomkhulu kunaSolomoni, futsi bakubita nga “Bhelzebule.”

⁴⁸ Niyakubona kuhunyushwa kwemBhalo na? Akumangalisi Asho loko Lakwenta, “Situkulwane lesibi nalesiphingako siyofuna sibonakaliso; Futsi batositfola, sibonakaliso sekuvuka.”

⁴⁹ Futsi emnyakeni waSolomoni, kwakukhona imvuselelo lenkhulu leyayikhona. Ngitotsi kukuniketa ngemfanekiso, kute labancane bakhone kukucondza. Kwakunemvuselelo lenkhulu leyayichubeka etinsukwini taSolomoni. Nkulunkulu waniketa siphiko, futsi sonkhe sive sabutsana ngakuso. Wonkhe umuntfu uta kuso. Bebakholelwa kuso, ngenhlitiyo yonkhe.

⁵⁰ Bekungeke yini loko kube yintfo lesimangaliso uma kwentekile emkhatsini webantfu kusihlwa, uma yonkhe iMerica, bonkhe bantfu labatibita ngemaKhristu, bayobutsana batungelete siphiko saNkulunkulu kulolu tinsuku tekugcina, kutfululwa kwaMoya loNgcwele etikwebantfu! Leso siphiko saNkulunkulu kulolusuku lwekuggina, nguMoya loyiNgcwele. Khristu, esimeni saMoya, Ulapha kanye natsi manje. Bekungeke yini kumangalise uma onkhe emabandla latisho kutsi angemakHristu, bangabutsa bahlanganye kulesiphiko lesi lesikhulu Nkulunkulu lasiphe sona na?

⁵¹ Kungani na? Bakuphambukisele kuto tonkhe tinhlobo tetimfundziso letigcamile netivumokholo nemibhesho, futsi ungeke washo kutsi kuyini. Kungiyo impela indlela lebebahlala bakwenta ngayo. Kodvwa Nkulunkulu wakwetsembisa kutsi kucondziswe, eMbewini, nakanjani, esikhatsini sekugcina.

⁵² Manje caphelani kuloku, sitfola kutsi bonkhe babutsana ngakuleso siphiko lesikhulu, na-Israyeli wachakaza kwangatsi akakaze phambilini. Tonkhe tive tatimesaba Israyeli; bebesaba kuta ngalapho, ngoba bebatu kutsi Nkulunkulu bekanabo.

⁵³ Futsi ngiyanitjela, nikhulumu ngekuvala bukhomanisi nayo yonkhe intfo; vumela nje i-America ibuyele kuNkulunkulu, ibuyele esipheweni sayo, ibuyele kuMoya loNgcwele, futsi bantfu batoyekela kumpongolota ngebukhomanisi. Buphetfuka tibungu ngangoba emakhomanisi asabeke tinhlelo letiphambene nebukhomanisi, kutfola kutsi babobani. Lentfo ifanele ibe ngaleyondlela. Kodvwa ababuye!

⁵⁴ Lapha kungesiko kadzeni, eFinland. UMnaketfu Lindsay, ngiyakholwa, be—bekalapha itolo ebusuku, bekanami ngesikhatsi kwenteka. Umfana lomncane, lebengimbonile embonweni lapha, wavuswa kulabafile, laphaya. Labanengi

benu, ngiyacabanga, solo basenako kubhalwe eBhayibhelini lenu, njengoba ngewela sive, ngisho loko lebekatobukeka angiko, lapho bekayoba khona, nakanjalonjalo. Futsi wavuswa kulabafile, ngekweLivi leNkhosi. Bekabulewe yingoti yemoto. Labanengi benu bayalukhumbula loludzaba, futsi benime lapho ngesikhatsi avuswa kulabafile.

⁵⁵ Ngalobobusuku, ngihamba ngiya entasi eMessuhalli. UMnaketfu Lindsay nami, neMnaketfu Moore, nalabanengi balendvodza, sitama kwehlela eMessuhalli; lapho, bavumela tinkhulungwane letinengi kakhulu, bangivumela ngakhulumena nabo, base-ke bayabakhipha futsi ngikhulume kulabanengi. Emgwacweni entasi, bebanemabhili lamane noma lasihlanu elidolobha onkhe avaliwe. Bantfu bebase—etitaladini, kusibukela singena futsi siphuma. Futsi ekhatsi lapho, kwakukadze kukhona intfombatane lencane lehamba ngetimboko, umlente munye umfishane kunalomunye, waphiliswa, naletinye tintfo letiningi tentiwa.

⁵⁶ Khona-ke lomfanyana wakhuliswa, kwachubeka tindzaba. Abanawo umculo wekutinyukunya netintfo, eFinland, noma bebete ngalesosikhatsi. Kwakunetindzaba kuphela netintfo letatifanelekile, bebanato emsakatweni. Futsi loko kwakuhambe indlela yonkhe kwehlele eRussia. Uma uhlala eRussia, nemakhilomitha langemashumi lasitfupha kusuka ekhaya lakho, endzaweni lapho watalelwa khona, ufanele ube ne-visa kukhombisa ibhizinisi yakho. Futsi li—liKhethini leNsimbi lalime ngco...sehlela kulo ngco, lapho khona lemishinigani beyihleti esitaladini, ngaphandle nje kweKuopio. Futsi ngalobo busuku, letindzaba leti tate tayoshona entasi, netitaladi tatitakishwe tinkhulungwane letiphindvwe katinkhulungwane temaRussia.

⁵⁷ Lapha kwakungulawomasotja ebukhomanisi, emasotja aseRussia, lawomakepisi lamancane layindingilizi; nebafanalabancane labasitfupha labangemaFinn, khona nje emvakwaleyomphi, bebangakakhuli ngalokwenele kutsi bashefe ngaleso sikhatsi, bebabafana labanebuso lobushelelako; bafake emabhudzi lamakhulu lamadzala, emabantji lamadze lamakhulu, behla ngesitaladi, naletinkemba netintfo, bagadzile kute ngikhone kwendlula esicukwini, kutsi ngingene. Naku kume lawomaRussia eme lapho. Uma ngita ngalapha, bashaya indesheni, babambe kanjalo, netinyembeti tehla etihlatsini tabo. Futsi ngesikhatsi ngendlula, bababamba emasotja aseFinn futsi bawabhambadze emhlane, futsi bawanga. Nomayini lengenta liRussia libhambatse umFinn, kutawucedza timphi. Batsi, “Loku sitokwemukela, Nkulunkulu longavusa labafile.”

⁵⁸ Nguleyo indzaba kusihlwa, mngani, impela. Lobubente bukhomanisi, kungoba bafundisi basesontfweni beckeke phansi eVini laNkulunkulu. Batsetse yonkhe imali, futsi bangabi

nalutfo lwekubuyisela esikhundleni, njengelidlangala nje noma yini lenye. Nguloko lokuliphutsa emhlabeni.

⁵⁹ Khona-ke siyatfola kutsi etinsukwini taSolomoni, bonkhe bebabutsana batungelete lesiphiwo lesikhulu Solomoni bekanaso sivela eNkhosini. Nebantu bebeta futsi bahamba. Tonkhe tive tatimesaba Israyeli. Esikhundleni sekutama kulwa nabo, bangenisa iminikelo yekuthula. Bebangesabi, kakhulu kangako, ngemuntfu wabo, bebamesaba lowoNkulunkulu kutsi bonkhe bebasebunyeni naye.

⁶⁰ O, bekungaba yintfo lenjani pho kulesive lesi, kusihlwa, kube sonkhe besingaba sekwesabeni Nkulunkulu, uma sonkhe besingamhlonipha Nkulunkulu, futsi semukele siphwi saKhe saMoya loNgcwele futsi sibutsane kuWo, lonkhe libandla lephula tivumokholo tabo futsi litiphonse ngephandle ngemnyango, bese behlela e-altari futsi bahlale aze Moya loNgcwele ete kutokhomba Livi laKhe elusukwini lwekugcina!

⁶¹ Labanye babo batama kutsi, “Ngani, kwemaJuda nje kutsi aLitfole. Nguloko kuphela lokwakukhona kuLo.”

⁶² Phetro watsi, ngeluSuku lwePhentekhosti, “Phendvukani, ngulowo nalowo wenu, futsi abhabhatiswe eGameni laJesu Khristu kuko kutsetselelwa kwetono, khona nitakwemukeliswa siphwi saMoya loNgcwele; ngoba lesetsembiso senu nesebantfwana benu, nakulabo labakhashane lena, ngisho nabo bonkhe iNkhosi Nkulunkulu wetfu leyobabita.” Kuphela nje uma kukhona iMbewu lelindzele emhlabeni, kutsi ibitwe, kunaMoya loNgcwele kuWubita kanjalo. Kunjalo. Kusafana nje.

⁶³ Kodvwa siyatfola, uma Lifika, Liyaliwa. Kungalesosizatfu sive sita ngaphansi kwekulahlwa. Kungalesosizatfu tintfo tihamba ngalendlela lettingiyo kusihlwa.

⁶⁴ Futsi siyatfola esikhatsini saSolomoni, kwakungenjalo. Bonkhe babutsana ngakulesosiphwi sekuhlolola lokufihlakele Solomoni lebekanako. Netive tonkhe tatimesaba Nkulunkulu. Netindzaba tandza ndzawo tonkhe, “O, ufanele ute ku-Israyeli, Nkulunkulu wabo uvuse siphwi emkhatsini wabo futsi bamente inkhosu. Futsi inhlakanipho yakhe, kucatulula kwakhe, kungetulu umuntu langake akucabange akwente. Kungetulu. ‘Kusemazingeni abonkulunkulu ngephandle ekhatsi lapho,’ lihedeni lingasho njalo. Futsi asicondzi kutsi kunjani, kodvwa Nkulunkulu, Nkulunkulu wabo, utimelele Yena lucobo kulelinye lemakholwa abo. Futsi, yena, bamhhalise esihlalweni sebukhosu, futsi bonkhe bamlalele.” Niyati, tindzaba tisakakile khonake hhayi ngamabonakudze, lucingo, nalokunye nalokunye, kwakuludzebe ngendlebe.

⁶⁵ Ekugcineni tindzaba tephuka tatsi ngcu phansi eluGwadvule IweSahara, yonkhe indlela kuya eveni lelincane lelitsiwa yiSheba. Bebane... Kwakulive lemahedeni.

Bebanendlovukazi lencane entasi lapho, yayingangabateki lolomcane lomuhle. Netindzaba tefika kuye, kutsi, "Nkulunkulu bekaniketa imvuselelo lenkhulu enhla lapho eveni laka-Israyeli, netintfo letinkhulu tenteka. Futsi bebanendvodza etulu lapho legcotjwe ngaMoya waNkulunkulu wabo, kutsi inhlakaniphoyendlula yonkhintfo lena umuntfu langake ayicabange."

⁶⁶ Niyati, "Kukholwa kuta ngekuva, kuva Livi laNkulunkulu."

⁶⁷ Loko kwashukumisa inhlitiyo yakhe lencane. Ucala kucabanga ngako. Futsi manje, njengoba yonkhe iksaravani ifika, akungabateki, indlovukazi lencane yayitfumela emasotja ayo, futsi itsi, "Ngitotsandza kukhuluma nemuntnfu, ngansense, uma bavela ku-Israyeli."

⁶⁸ "Yebo, indlovukazi, besisenhla ka-Israyeli, futsi, o, kuyamangalisa. Ufanele ukubone. Akukho lutfo lolunjengako. Kungetulu kwekucondza kwemuntnfu. Niyati, bonkhe basekuvumelaneni kunye, wonkhe wonkhe wabo ukhona ngco ngakuleso siphiko Nkulunkulu wabo labaphe sona, futsi bonkhe bakukholwa nganhilitiyyone. O, kuyintfo lenhle kunato tonkhe, futsi akukho lutfo lolugodliwe. Nkulunkulu wembula yonkhe intfo nje. Uma noma ngusiphi sive besingacala ngalapho kubo, ngani, Nkulunkulu wabo bekatokwembula lapho bebeta khona, futsi—futsi abatume ngaphambi kwekutsi bafike lapho. O, kwakuyimvuselelo lenkhulu nje leyentekako."

⁶⁹ Khona-ke, niyati, indlovukazi lencane yacala kulamba kutsi ikubone, cobolwayo.

⁷⁰ Niyati, kunalokutsite ngako, umuntfu uyati kutsi uvela ndzawanatsite; futsi ulapha, akati kutsi kungani akhona lapha; futsi uya ndzawanatsite, futsi akati kutsi uyaphi. Futsi yinye kuphela iNcwadzi emhlabeni lesitjela kutsi unguhani, uvelaphi, loko longiko, nalapho uya khona, nalelo liBhayibheli. Ngilo kuphela lelikutjelako, futsi yiNcwadzi yaNkulunkulu. NguNkulunkulu cobo lwaKhe abonakaliswa esimeni selivi, lobitwa ngeMbewu. LeyoMbewu eluhlobeni lolufanele lwemhlabatsi iyoveta sonkhe setsembiso Lasenta, ngoba nguNkulunkulu cobo lwaKhe. Kodvwa kutofanele kuniselwe ngekukholwa, kukwenta kufezeke, njenganoma nguyiphi lenye imbewu. Lesakhi-mphilo sikuso. Sati! Caphelani manje.

⁷¹ Sitfola kutsi kuloku kwenta, indlovukazi lencane yacala kulamba futsi yomela Nkulunkulu. O, kube—kube tiphiyo taNkulunkulu tatingadala kuphela koma enhlitiyweni yebantfu, ngaYe, njengoba tenta kuye!

⁷² Manje siyatfola, kutsi bantfwana, bafo labancane, kunelilayini lonkhe labo labahleti lapha netindzawo letehlukene, kute bacondze, sitabaniketa njengemdlalo wasesiteji, khona batekucondza.

⁷³ Manje khumbulani, bekalihedeni. Ngako kute kwentiwe loku, futsi ayindlovukazi, yayitotfola imvume kumphristi wayo webuhedeni, kute ihambe. Futsi kwangatsi ngiyabona ngimbona awelela kuye futsi enta kukhotsama kwakhe, futsi atsi, “Babe longewe le lomkhulu *s'bani-bani*, siyati kutsi ema-Israyeli unemvuselelo enhla lapho, naNkulunkulu wabo utimelele Yena lucobo esimeni semuntfu, ngesiphiwo lesikhulu, kutsi wati timfihlo tenhlitiyo. Futsi bangitjela kutsi ULivi, neLivi lihlola imicabango yenhlitiyo, futsi batsi kusebenta kumuntfu. Ngingatsanza imvumo yakho, babe longewe kakhu, kutsi enyukele lapho, nekutsi avakashele futsi ngitibonele mine.”

⁷⁴ Yebo-ke, kwangatsi ngiyayibona imphendvulo yakhe ibuya. “Asinalubanjiswano kuleyomvuselelo,” noma lelo lihumusho la’ 64 lako. Kodvwa, empeleni, ba—batsi, “Abasontsi ehlelwemi letfu. Abasibo bebantfu betfu. Asinalutfo lesingalwenta kuko, nhlobo. Aniyuhamba. Futsi abasilutfo kuphela nje sicuku se—semigulukudvu. Beva tonkhe tinhlobo temahemu ngabo beta ngeLwandle loluBovu, nalo lonkhe lolohlobo lwentfo, kodvwa akukho lutfo ngako. Nangu nkulunkulu wetfu lomkhulu, niyambona eme ngaseluhlangotsini lwelubondza na? Bebabu *s'bani-bani*, futsi tikhatsi letinengi kakhu bente *kutsi-nekutsi*.” Indlovukazi lencane yahamba icansukile.

⁷⁵ Kodvwa, niyati, kunalokutsite ngako, uma Nkulunkulu acala kubeka kulamba enhlitiyweni yemuntfu, akukho nje lutfo lolutoma endleleni yalo. Noma ngabe kukhona lubambiswano noma cha, noma ngabe kukhona noma yini, ufanele akutfole Loko! Njengoba ngishito ngalowesifazane lomncane itolo ebusuku, angulophikelele futsi anekuphikelela. Niyabona, Intfo letsite iyakubamba, bese ubamba lokutsite. NjengaJakobe, indvodzana ya—yaNkulunkulu; Jakobe, indvodzana yaNkulunkulu, wabamba iNtfo letsite ngalobunye busuku, futsi Yambamba; futsi akazange aLiyekele lihambe aze azuze inhoso yakhe, abusiswe ngiLo. Loko, leyo yintfo sibili. Futsi uma umuntfu alingisa intfo letsite, ayikaze isebebte kahle. Kodvwa uma ungabamba leyoNtfo letsite, naleyoNtfo letsite ikubambe, kutokwenteka.

⁷⁶ Uma nita lapha kusihlwa nentela kophiliswa, futsi nivumele Moya loyiNgcwele anibambe, futsi niyaWubamba, utotfola loko lokucelako. Ayikho indlela yekukuvimbela kuKo.

⁷⁷ Uta ukholwa kutsi Jesu Khristu uyasindzisa, futsi kunemandla lasindzisako lakubamba, nawe ubambelele kuWo, utosindziswa.

⁷⁸ Uma ukholwa embhabbatisweni waMoya loyiNgcwele, naMoya loyiNgcwele uyakubamba, futsi Utokubhabhatisa, futsi uyaMbamba; ungeke udzingeke kutsi ukhweshe esitulwени sakho, Utokugcwalisa ngeBukhona baKhe khona lapho la ukhona. Njengoba nje Enta, “Kwatsi Phetro asakhulumma

lamavi, Moya loNgcwele wehlela kubo labaLiva.” Ikhona intfo leyabambelela!

⁷⁹ Kukhona lokwabamba lowo wesifazane lomncane waseSirofenikhe lesikhulume ngaye itolo ebusuku. Akukhatsalekile kutsi waba netingcinamba letingakanani, abenguloku ahamba, nakanjani. Kukhona lokubambe lendlovukazi lencane lesikhuluma ngayo kusihlwa, lihedeni, lihedeni. Bekenjalo nalomSirofenikhe lomncane, umGrikhi, lihedeni, sikhonti-tithico. Kodywa Intfo letsite yababamba, futsi babambelela entfweni letsite.

⁸⁰ Kuhlala njalo kulukhuni endleleni. Sathane uphonsa yonkhe intfo endleleni, langayiphonsa, uma abona umnyakato sibili waNkulunkulu ucala. Uyokwenta kuwe. Utobeka yonkhe intfo, yonkhe imicabo langayibeka, ngendlela yakhko.

⁸¹ Khumbulani, lowesifazane bekanencumbi yemicabo, kodywa kukholwa kwakhe kwakungenayo. Kukholwa akunamicabo. Akukho lokutokumisa, akunandzaba kutsi bani utsini. Uma unaloko bambelela kuNkulunkulu ngco, Nkulunkulu unekubambelela lokukahle kuwe; kungabakhona bodokotela labangemashumi lamane labeme lapha banitjela kutsi bewufa, futsi beningeke nikholwe ngisho nalinye livi lalo. Cha, mnumzane. Cha, mnumzane. Kungaba nebafundisi labangemashumi lamane beme lapha, njengebaka-Ahabi labangemakhulu lamane, bamelana; uma unguMikhaya futsi ubambe Nkulunkulu, Nkulunkulu ukubambile, futsi niyakubona kucinisekiswa eVini, akukho lutfo lolutokuvimba. Utokuma lapho, nomakanjani, ngoba Intfo letsite ikubambile.

⁸² Kwembulwa kulowo wesifazane lomncane, kutsi kwakukhona Nkulunkulu ndzawanatsite. Sengiyambona ahamba ayofundza leyomibhalo legocwako yemaHebheru futsi, abagicite futsi ababeka phansi e—ejekeni; bese ubuyela kulowomphristi webuhedeni, futsi utsi, “Ngifuna kukutjela lokutsite, babe longcwele. Kungahle kubenjalo, letintfo lotishoko. Kodywa, bukani, gogo wami wakhonta lesosithico, wafundza leyokhathekizimu lonayo. Gogo wami lomkhulu wakufundza, make wami wakufundza, bonkhe bantfu bami bakufundza, konkhe kumayelana nentfo leyenteka. Angikaze ngibone umnyakato wako, noko. Kodywa bayangitjela kutsi banalokutsite etulu lapho lokuphatsekako, lokuhambako khona manje; hhayi umlandvo lotsite, kodvwa intfo lechubekako manje.”

⁸³ “Manje bukani lapha,” bekatotsi, “umntfwanami. Uma uhamba, ngitokucosha. Futsi awunamsebenti, njengendlovukazi, utihlanganisa nebantfu labanjalo.” Lowodeveli lomdzala lofanako usaphila.

⁸⁴ Kute sicuku lesincono eveni, kungena kuso, kunelibandla lelitelwe kabusha leligewaliswe ngaMoya loNgcwele.

Anginandzaba kutsi kukuphi, uma kusemhumeni noma ngabe kukuphi. Sicuku lesihle kakhulu. Licembu lasezulwini, caphelani, emakholwa lakholwa kuNkulunkulu.

⁸⁵ Inhlitiyo yakhe yayigudlutela kakhulu, ngekulangatelela. Bekafuna kubona. Bekevile ngako. Bekangati lutfo ngako, kodywa bekafuna kukubona. Futsi ngiyamuva atsi, “Yeboke, ungalisusa nje ligama lami encwadzini, uma ufunu. Noma yini loyishoko, naletotithico, naletotincwadzi netintfo, Ngiyakubona usolo ukhuluma ngentfo letsite, ucoca ngentfo letsite. Akukaze kunyakate. Angikaze ngibone umnyakato wako noko. Ngifuna intfo lephatsekako,” futsi ulungela kuhamba. Kubi kakhulu kutsi asisenato letinye futsi taletotindlovukazi letincane namuhla! Kunjalo.

⁸⁶ Ngako-ke siyatfola kutsi manje, kute sihambe, wasebentisa lisu lelihle kakhulu. Ngitsanza wonkhe umuntfu kutsi acabange ngaloku. Manje watsi bekangati. Bekayifundzile yonkhe imibhalo legocwako, kutfola kutsi Jehova bekayini, kubona indlela Lebekasebente ngayo etinsukwini letendlula. “Uma loko kunjalo, khona-ke Bekayotimbandzakanya Yena lucobo nalendvodza njengoba batsi bekanjalo, khona-ke lowo kwakunguJehova. Futsi uma kwakunguJehova, futsi BekanguNkulunkulu weliciniso, Nkulunkulu walabaphilako, hhayi sithico lesibatiwe lesitsite noma sikhumbuto salesinye sidalwa lesaphila noma asiphilanga; lona kwakungulophilako, Nkulunkulu lokhona khona manje,” ngako bekafuna kulungela kuhamba. Manje watsi...

⁸⁷ Wapakisha incumbi yemali. Watsatsa ligolide, nemure futsi, o, imphepho, ngiyacabanga, nesiliva. Futsi bekakadze akhulise emakamela nako. Manje washo loku, “Ngiyenyeuka. Ngitobuka kuko, cobo lwami. Futsi-ke uma kunjalo, ngitokwesekela; uma kungenjalo, anginawutihlanganisa ngalutfo nako.”

⁸⁸ Niyati, bekakhona kufundzisa emaPhentekhostali intfo letsite. Incumbi yabo isekela luhlelo loluhlekako futsi luhlekise ngawe. Futsi usekela luhlelo emoyeni, loluhlekisa ngetintfo lenikholelwa kuto. Futsi loko kunjalo. Yebo, mnumzane. Ngoba kuvakala kahle. Impela, “Kukhona indlela lebonakala iyinhle kumunfu,” kwasho Jesu.

⁸⁹ Kodywa mcapheleni, watsi, “Uma kungenjalo, khona-ke ngingabuyisa tiphiwo tami.” Kodywa bekatotibonela yena, futsi eneliseke. Bekayifundzile imibhalo legocwako, bekti kutsi Jehova bekayini, futsi bekatobona. Uma Bejanjalo, Unguye, khona-ke Usenguye Jehova.

⁹⁰ Loko kuhle namuhla. Jesu Khristu nguloko Lebekangiko, futsi Uyoohlala angiko. Akagucuki nhlobo. LiBhayibheli latsi, “Unguye itolo, namuhla, naphakadze.”

⁹¹ Sitfola lowesifazane lomncane ke, ukhuluma ngemicabo, khona-ke loku kungahle kube kwefika emcondvwjeni wakhe,

“Khumbulani, ngifanele ngiwele lugwadvule, futsi lolo luhambo loludze kakhulu.” Kukale, kusukela ku-Israyeli, kusukela ePhalestine kwehlele eSheba, kwewela luGwadvule iSahara. Kuyobita likamela cishe, ngiyacabanga, emakharavani, kwabatsatsa tinsuku letingemashumi layimfica, tinyanga letintsatfu, bahamba njalo, bahamba kusuka kulenyen indzawo baye kulenyen indzawo. Tinsuku letintsatfu...tinyanga letintsatfu, kuhamba. Futsi nje asucabange, abechamuka endlula elugadvuleneni lolushisako. Bekanaloko emcondvweni wakhe, bekafanele akwente, ngesheya kwelugwadvule lolushisako, yonkhe indlela etulu lapha, kutfola kutsi ngabe lona kwakunguNkulunkulu sibili yini.

⁹² Akumangalisi Jesu atsi, “Iyokuma nalesitukulwane lesi isilahle.” Bekete iKhadilakhi lenesishayisa-moya. Nalabanye bantfu lapha eDallas bangeke bete bewele esitaladini, kutoLiva. Kunjalo. Akumangalisi iyokuma etinsukwini tekugcina! Kodvwa ime ngale ndzawanatsite futsi iLigceke, noma kuphi kulenyen indzawo bayakwenta. Watsi, “Uyovela emikhawulweni yemhlaba kutokuva kuhlakanipha kwaSolomoni, futsi lomkhulu kunaSolomoni ulapha.” Caphelani.

⁹³ Bekanaloko kutsi abhekane naye. Mhlawumbe bekafanele ahambé ebusuku, kushisa kakhulu elugwadvule. Imisebe lecondzile yelilanga etikwa loloGwadvule iSahara yayingasusa sikhumba kuwe ngco, futsi lapho bekafanele ahambé mhlawumbe ebusuku.

⁹⁴ Lenye intfo, khumbulani, yase ilayishe iminikelo netintfo. Emadvodzana a-Ishmayeli bekaneluvwendvve lwebagibeli bemahhashi. Bekatigebungu elugwadvule. Kwakuyobalula kanjani kubantfwana baIshmayeli kutsi bangene njengesikhukhula, futsi abasike batsenwa lababili noma labatsatfu lebebanabo naye; licembu lakhe lelincane lemasotja, batsenwa, netincekukati takhe letincane; babajubele phansi futsi babashiye badzindzibele lapho, futsi bapakishe emashumi etinkhulungwane laphhindvwe katinkhulungwane temadola lokungaba yintsengo yalobucwebe, ngaphandle kwemphepho kanye nemure, netintfo leti labetiletsa njengesipho.

⁹⁵ Kodywa kukhona lokutsite ngako, uma inhlitiyo yakho ibekwe kubona Nkulunkulu, futsi Intfo letsite ikubambile, awati ingoti, awati kwehlulwa. Kukhona lokutsite, utokutfola, nakanjani, akunandzaba kutsi bumatima bunjani.

⁹⁶ Impela, bekusimiso lesibukeka singaba setigebengu. Noma ngumuphi wabo bekangefika, kodvwa akawutsatsanga umcabango wanoma nguyiphi ingoti.

⁹⁷ Akawutsatsanga lomcabango noma bekangasukuma futsi ahambé, njengemuntfu lowesaba kuvuka embhedzeni noma luhlaka, noma lokutsite noma lokunye, “Angati, niyabona,

ngiyesaba kukwenta.” Bekangenalo lolohlobo lwekwesaba. Ikhona intfo leyayimbambile.

⁹⁸ Futsi uma Intfo letsite ingasibamba, ngendlela lefanako, ikhona intfo letokwenteka. Manje, ungeke ukwente kuze Loko kukubambe, bekungabancoño ungakutami. Kodvwa uma Loko kukubamba, kutokwenteka.

⁹⁹ Caphelani, nangu lapha, akazange acabange kutsi tingakhi tigebungu lebetisehlane.

¹⁰⁰ Noma, futsi, ngesikhatsi akhuphukela lapho, kutsi ingabe bekatomukelwa yini, noma cha? Bekawalelinye lihlelo, niyati, ngako utokwemukelwa yini, ngabe utongeniswa yini emhlanganweni? Bekangakacelwa kutsi ete. Moya loyiNgewe wasebenta kuye, kutsi ete, ngako BekanguYe lowenta kuhola; ngako, kwenelisa loko kutivela lebekanako, lebekalangatelela kukwati.

¹⁰¹ Khumbulani, kuphila kwakho. Kwakukuphila kwakhe. Unesikhatsi sinye kuphela sekukucatulula, futsi mhlawumbe kusihlwa litfuba lakho lekugcina. Wencaba Khristu, kusihlwa, ungahle ungabi nalelinye litfuba.

¹⁰² Futsi loko kungahle kube kwakulitfuba lakhe lekugcina. Wakucondza loko. Ngabe lesakhe, simo senkholo lebekanaso, sasilungile, noma bekakhona yini Nkulunkulu lophilako? Bekangaboni lutfo enkholweni yakhe lucobo, kodvwa bekevile kutsi bekukhona Intfo letsite kulelelinye, futsi bekafundzile kutsi Bekayini. Bekafuna kubona. Kwakuyimphilo yakhe leyayisengotini.

¹⁰³ Yimphilo yami, kusihlwa, ngifanele ngibhekane naloku. Ngifanele ngite ekwaHlulelweni, kanjalo nawe ufanele ute ekwaHlulelweni. Kuyasibita kutsi sihlale etitulweni tetfu, sicambalale embihedzeni yetfu, noma ngabe sikuphi, futsi sinake lentfo ngalokujulile. Ngoba, awati kutsi sikhatsi sini likhadi lakho lelitokhishwa ngaso eshelufini laNkulunkulu etulu Lapho, futsi uyophendvula ekwaHlulelweni. Nomangabe ulilunga lelibandla noma awusilo, loko akukaphatselani nako. Utophendvula, nomakanjani, futsi kuncono ube ngulociniseke mbamba ngako. Hlola lwati lwakho naNkulunkulu, ubone kutsi ngabe Intfo letsite impela ikubamble yini, loko kukubuyisela kuleLivi leli, ukhweshe kutivumokholo netimo, nakanjalonjalo. Wakwetsembisa etinsukwini tekugcina, “Kuyobakhona kugucuka, futsi, kwetinhilityo tebantfwana tiye kubobabe.” Futsi siyakukholwa loko. Caphelani, siyakutfolo kulolusuku manje.

¹⁰⁴ Futsi akcabangi nje ngekwesaba noma yini leyayitomkhatsata. Bekangacabangi ngaloko. Umcondvo wawukutsi, bekafuna kutfolo kutsi ngabe Kwakungiko mbamba yini noma cha, ngako washo ashona ngale kwelugwadvule.

Futsi hhayi...Bekanesikhatsi lesimatima kukwenta. Nomayini lonayo...

¹⁰⁵ Nguleyo inkhatsato, tsine maPhentekhostali, sinayo yonkhe intfo nje lesiniketwe yona, nge-litreysi, yonkhe intfo lesiyifunako. Umelusi nakangefiki nje ngesikhatsi, “Ngitosuka e-Assemblies futsi ngijoyine i-church of God.” Futsi, niyati, kona nje... sitototiswa kakhulu nje!

¹⁰⁶ Kuyangikhumbuta, kwakukhonha litilos i lelidzala, ngalesinye sikhatsi, libuya elwandle. Futsi sonkondlo wehla, bekangakaze alubone lwandle; bekabhalile ngalo, kodvwa angazange sekalubone. Lelitilos i lelidzala lahlangana naye, latsi, “Uyaphi wena, ndvodza yami lelungile?”

¹⁰⁷ Watsi, “Ngiya elwandle. Ngiyimbongi. Ngibhalile ngelwandle. Bengilangatelela kuhosha lamanti elwandle laneluswayi, futsi ngibone lamagagasi lagcwele luswayi agcumagcuma tinyoni telwandle tihlabela, nesibhakabbaka lesiluhlata sitibonakalisa elwandle.”

¹⁰⁸ Lelitilos i lelidzala laphafuta lipipi lalo kane noma kasihlanu, labuka phansi, futsi lakhafuna. Latsi, “Ngatalelwa kulo lwandle, eminyakeni lengemashumi lasikhombisa leyendlula. Angiboni lutfo lolukhangaa kangako ngalo.” Bekaphile kulo, sikhatsi lesidze kakhulu, lwaze lwajwayeleka nje.

¹⁰⁹ Kunguloko-ke ngatsi, kusihlwa. Siphile eBukhoneni baNkulunkulu, sikhatsi lesidze kakhulu, sekuze Kwejwayelekile kitsi. Sifanele sitivuse, futsi sicondz kutsi Jesu Khristu uyaphila futsi uvukile kulabafile.

¹¹⁰ Lukonkhe kwakutoba lwati lolusha lwalendlovukazi lencane. Yayiphikelele. Yayifuna kukubona. Impela, beyiphikelele. Beyifanele iphikelele, kutsi ishiye sive sayo. Beyinakokonkhe kwelizinga layo, lebeyifanele ikushiye ngemuva. Konkhe kwayo kwenhlangano yemakhadi nalebekalilunga lako, tonkhe tigungu tekutisha nekutfunga, netintfo lebekalilunga kuto, njengendlovukazi, wonkhe umuntfu lodvumile lebekamati? Bekayoba yinhlekisa kulelocembu. Kodvwa kwenta mehluko muni kuye? Kwakungu mphefumulo wakhe.

¹¹¹ Ngumphefumulo wakho. Ngumphefumulo wami. Kwenta mehluko muni kuMethodisti, iBaptisti, iPresbyterian, noma Bakamunye, Bakambil, Bakamtsatfu, noma ngabe kuyini na? Ngumphefumulo wami lokhatsatekile. Ngumphefumulo wakho lokhatsatekile. Livi laNkulunkulu lelelicinisekiswako.

¹¹² Siyamtfola, akentanga mehluko kuye, kutsi nomangubani bekatsini, noma kutsi umuntfu lodvumile wakhe, kutsi bangani bakhe banjani, uma bekafanele ashiye yonkhe intfo leyayikhona eveni. Uma Kwakungiko sibili, bekasalungele kuya kuKo. Bekatoniketa umbuso wakhe, nomayini lenye. Uma Kungiko

sibili, bekafuna kutfola Nkulunkulu. Kwakukhona intfo letsite enhlitiyweni yakhe.

¹¹³ Siyatfola, ngesheya kwelugwadvule wefika. Ekugcineni, lusuku emvakwelusuku, tinsuku letingemashumi layimfica, tinyanga letintsatfu, ikharavani ekugcineni yefika egedeni.

¹¹⁴ Manje, aketanga njengoba bantfu labanengi bebenta emihlanganweni namuhla. Labanengi babo bayeta futsi batsi, “Uh, ngiyeva kutsi banekutsi, uh, lomunye ungitjеле kutsi bane... Uh-huh. Yebo-ke, ngitoya ngakhona.” Futsi bayohlala phansi umzuzwana nje. Babukeni. Niyababona ndzawo tonkhe. Bayotsi, “Livi lekucala usho loko lokuphambene nenkholelo yami,” basho baphuma emnyango, sebahambile. “Angeke ngiphindze ngibuyele kuyova lokunye futsi.” Niyabona, abahlali sikhatsi lesidze ngalokwenele. Nguloko-ke.

¹¹⁵ Kutsiwani ke ngesikhatsi, Jesu, ngesikhatsi Ahleti embikwemashumi lasikhombisa lapho, futsi Bekanemashumi lasikhombisa futsi Bekenaso sonkhe sicuku? BekanguMuntfu lomkhulu. “BekangumProfethi,” batsi, “umProfethi waseGalile.” Ngalelinye lilanga Wabuka lesosicuku lesikhulu sime ngakuYe, Watsi, “Uma ningayidli inyama yeNdvodzana yemuntfu, futsi ninatse iNgati yaYo, aninakuPhila ngekhatsi kini.”

¹¹⁶ Ungake ucabange nje tinyanga tihleti ngephandle lapho, kutsi tatsini ngaleyoyeNdvodza? “Ngani, Utosenta banatsi bengati lona. Sinatse iNgati yaKhe futsi sidle inyama yaKhe?”

¹¹⁷ Akazange akuchaze. Bekangadzingeki kutsi akuchaze. Bekadzingeka atsintsitse letilwane letiphila ngengati yaletinye letatimtungeletile. Esikhundleni sekutama kutototisa futsi bafake ligama labo encwadzini, Bekababsintsitsa. Bekasangenawo lomunye umsebenti wabo. Ngako siyatfola, Nango lapho, Watsi, “Ngaphandle...” Akazange akuchaze.

¹¹⁸ Bukisisani, labobafundzi bahlala bathula. Abazange basho lutfo.

¹¹⁹ Ngibona dokotela futsi ngibone baFarisi, batsi, “Niyabona, loMuntfu usangene emcondvweni waKhe. Uyahlanya, ufunasijube umtimba waKhe manje futsi siwudle, futsi sinatse iNgati yaKhe na? Umuntfu lonatsa ingati yemuntfu! Yebo-ke, tsine, besingeke sikhone kwenta intfo lenjengaley. O, loko kuhlanya. LoMuntfu usangene engcondvweni yaKhe.” Besuka bahamba.

¹²⁰ Wase-ke Uyacalata kulabosiyazi betenkholo bahleti baMtungeletile, lawomashumi lasikhombisa, futsi Watsi, “Niyotsini uma nibona iNdvodzana yemuntfu yenyukela eZulwini lapho Yavela khona na?” Labo boDokotela betebuNkulunkulu bacalata, batsi, “INdvodzana yemuntfu yenyukela eZulwini lapho Ivela khona? Ngani, siyaMati, siyile esitebeleni lapho Atalelwah khona. Siwubonile umbhedze wetinswane Lebekalolotelwa kuwo. Siyamati make waKhe.

Si... Udwiba kanye natsi. Utingela natsi. Ungephandle lapha emagcumeni. Ugcoka timphahla lesitentako, adle kudla. Futsi leNdvodzana yemunfu, Yavelaphi ke? Uvela eNazaretha. Loku kukhulu kakhulu kitsi." Besuka bahamba. Bekasolo angakaKuchazi. Niyabona na?

¹²¹ Wabuka, wase Uyacalata kulabalishumi nakubili, watsi, "Nifuna kuhamba yini nani?"

¹²² Manje, bebangakhoni kukuchaza kwananabo, kodvwa Intfo letsite yayibabambile. Niyabona, bebat! Loko kungesikhatsi Phetro asho lawomavi lasikhumbuto, "Nkhosi, siwubonile umBhalo ucinisekiswa nguWe. Besingayaphi na? Siyati kutsi Wena unemaVi ekuPhila. Wena unguMtfombo wekuPhila. Senelisekile ngaLoku."

¹²³ Jesu watsi, "Ngikhetse labalishumi nakubili benu, futsi lomunye wenu ungudeveli." Niyabona, Bekangenamatsambo, futsi apholisha, futsi atototisa, futsi ababhambadze emhlane, futsi ababhabhatise ngansense, noma lenye intfo letsite.

¹²⁴ Be—BekanguNkulunkulu entiwe inyama emhlabeni. BekaLivi laNkulunkulu lelicinisekisiwe. Nalabo labalamba, beta. Labo labangalambanga, abazange bete. Watsi, "Wonkhe Babe laNgiphe yena, utakuta." Ungeta kanjani ke ngaphandle uma Aniketile, uniketiwe?

¹²⁵ Manje caphelani, sitfola lendlovukazi lencane, ekugcineni iyefika. Akalindzanga nje njengoba labobantfu benta. Labanye babo bamlandzela.

¹²⁶ Kuhlala njalo kunetigaba letintsatfu tebantfu; emakholwa, bazenzisi, nalabangakholwa. Longakholwa uyovuka asuke ahambe; umzenzisi uyokuma lapho sikhatsi lesidze. Lapho bonkhe bobatsatfu babo bebakhona. Longakholwa, sicuku; umzenzisi, licembu lelajika lahamba ekugcineni. Kodvwa kwakukhona likholwa mbamba lebelingeke seliKuchaze; bebangati lutfo ngaLo, kodvwa bebat kutsi BekaLivi. Loko kwakucatulula!

¹²⁷ Lapho sitfola indlovukazi lencane. Yayiletse konkhe kudla lokunengi, tincetu letinengi tesinkhwa, nencumbi yetintfo. Yamletsela emathende netintfo. Yehlisa tintfo tayo emakameleli, netintfo, yatiphonsela ebeleni, emagekeni elithempeli. Futsi wamisa emathende akhe, futsi bekalapho kutsi ahiale aze eneliseke kutsi ngabe kwakuliciniso yini noma kwakuliphutsa.

¹²⁸ Akungabateki, lusuku nelusuku, bekayifundzile leyomiBhalo. Ngesikhatsi sasebusuku, mhlawumbe bebadzingeka bahambe ebusuku. Ngesikhatsi sasemini, khona-ke bekayohlala emuva ngaphansi kwaletotihlahla telusundvu, elugwadvule, futsi afundze kutsi Jehova bekayini, loko Lebekafanele kuba ngiko. Manje bekatomati Jehova. Uma Bekakuleyondvodza, lowesifazane bekatokwati kwenta

kwaKhe, bekatokwati kutsi ngabe kwakucinisile yini noma cha. Ngako bekafakwe emBhalweni.

¹²⁹ Akayanga lapho wase utsi, “Manje, uma asho noma yini leyehlukile kuloko lokushiwo ngumphristi wami, ngitawuvele ngibutse emakamela ami futsi ngihambe.” Bekatohlala aze agculiseke.

¹³⁰ O, kube besilisa nebesifazane bebangenta loko kuphela namuhla! Batsatse umBhalo, kubona kutsi Moya loyiNgcwele wanamuhla yini, noma cha, sibone uma letintfo leti lesikhulumga ngato tishitiwo tingakenteki yini kuleli-awa lesikulo. Kodvwa yakwenta; kungalesosizatfu Jesu atsi ligama layo alinasiphosiso...alinasiphosiso, kodvwa alinakufa. Uyokuma ngeluSuku lekwaHluelwa futsi alahle iDallas, iTexas. Uyolahla i-United States, ngeluSuku lekwaHluelwa. Ngoba, yavela emikhawulweni yemhlaba, kutokuva kuhlakanipha kwaSolomoni; futsi, bukani, lomkhulu kunaSolomoni ukhona lapha. Jesu Khristu lovukile ekufeni ulapha emandleni ekuvuka kwaKhe ekufeni. Caphelani.

¹³¹ Futsi wamisa emathende akhe. Kwangatsi sengiyabona ngaloko kusa, ngenca yebantfwana manje. Tinsimbi takhala, emacilongo akhala, nenkonzo yayichubeka. Bebabanenkonzo onkhe malanga. Kucabangeni nje, bebatsandza kuya esontfwemi onkhe malanga. Ngako bona, libandla lacala, kwangatsi ngiyayibona indlovukazi lencane ibuyela emuva le ngemuva yase ihlala phansi. Futsi emvakwesikhashana onkhe lamacilongo akhala, emaculo ahlatjelwa, nayoyonkhe intfo.

¹³² Emvakwesikhashana, uMelusi Solomoni waphuma, wahlala phansi. Kutsi bonkhe bantfu bamtsatsa kanjani, ngoba bebamtsandza. Bekayinceku yaNkulunkulu. Futsi baphuma, kwakungekho ngisho namunye lotsi, “Huh! Uma nje bekanguloku, uma nje bekawelicembu lami!” Cha. Kwakunelicembu linye kuphela, futsi lelo kwaku—lelo kwakungiwo, ngako nabo lapho ke.

¹³³ Futsi-ke siyatfola, lomunye uyavela. Futsi intfo yekucala niyati, Solomoni wembula imfihlo yehlitiyo yabo. Kwangatsi sengiyayibona nje lendlovukazi lencane itsi, “Manje awume umzuzu nje,” niyabona. “Hhe, loko kwakuvakala kungiko sibili.” Lolandzelako wakhuphuka, watfola intfo lefanako. O, inhlitiyo yakhe lencane yacala kugcuma. Yena, watibuta.

¹³⁴ Ngako ufanele kutsi bekanalo likhadi lekukhulekelwa, futsi walindza. Ngayacolisa ngaleyonkhulumo; kodvwa, niyati, kwenta liphuzu nje, niyabona. Angahle kube bekanalo likhadi, futsi walindza. Ngalelinye lilanga likhadi lakhe labitwa, futsi wenyukela embikwaMoya loyiNgcwele lowawusebenta ngaSolomoni. NeliBhayibheli latsi, “Kute lutfo lolwalufihliwe kuSolomoni.” Moya loyiNgcwele lomkhulu wembula yonkhe intfo lebekayidzinga kutsi ayive; Wayembula.

¹³⁵ Futsi nangu Moya loyiNgcwele, kugcwala kwaKhe kuJesu Khristu, enta intfo lefanako; nalabobaFarisi batsi, “Sikhombise sibonakaliso. Philisa lendvodza ngephandle lapha. Yenta *loku*, futsi usho *loku*. Kepha kutoba yini *loku*, noma *lokwa?*” Niyabona, abacondzi nje.

¹³⁶ Lendlovukazi lencane ime lapho, neliBhayibheli lasho kutsi, “Akukho lokwagodlw kuSolomoni.” Wembula tonkhe tintfo lebekatidzinga kutati. Wamtjela konkhe ngako.

¹³⁷ Futsi ngesikhatsi kwenteka, akadzingekanga kutsi atsatse livi lemuntfu lotsite, bekakubukisisile futsi wakukholwa. Waseke ugucukela etetsamelini, wase utsi, “Konkhe lengikuvile, ngesikhatsi ngikuva, ngamangala. Kodvwa konkhe lengikuvile kunjalo, nalokunengi lengikuvile kunjalo.” Niyabona, kwakulitfuba lakhe, bekakubonile. Kwasetjentwa kuye. Wati kutsi kwakungiko sibili. Futsi watsi, “Ayibongwe iNkhosi Nkulunkulu Lokwente inceku yaKhe. Ayibongwe i...”

¹³⁸ Bekuyini? Lowesifazane lomncane tatane bekaphile lapho, tonkhe letotivumokholo netithico, futsi ngalesinye sikhatsi enhlitiywani yakhe lelambile... Noma nguliphi likholwa sibili lifuna kubona Nkulunkulu asebenta. Uma ake Waba nguNkulunkulu, Usasolo anguNkulunkulu. Futsi ubone intfo letsite leyayiyangempela, lengakafakwa; yelucobo impela. Wakhonta Nkulunkulu tonkhe tinsuku takhe, ngoba ubone intfo letsite leyayiyangempela.

¹³⁹ O, mngani, sibone labanengi kakhulu, “Joyina lesivumokholo lesi, leMoslem, *loku*,” noma ngabe kuyini, “wota *kuloku*, *naloku*, *lokwa*, *nalolokunye*,” nato tonkhe tinhlobo temizwa netintfo. Impela live lifanele lilambe kusihlwu ngentfo letsite sibili, libone intfo yelucobo. Hhayi nje sicuku setinganekwane tengati legeletako, noma kuklwebheka, noma emafutsa, noma intfo letsite lengekho ngisho nasemBhalweni; kodvwa Jesu Khristu sibili Lowetsembisa kutsi Bekatophilika kubantfu baKhe kulolu tinsuku tekugcina, futsi ente letintfo Latenta, intfo letsite imiBhalo letsi kuyokwenteka kuletinsuku leti.

¹⁴⁰ Tonkhe letivumokholo letincane, “Yebo-ke, uma wati sivumokholo setfu, uyati.” Niyabona, ni—ni—nibuka emuva kuloko lokwashiwo nguMnumz. Luther, indvodza lenkhulu yelusuku lwakhe. Impela. Akukho ngetulu kwalabanye balaba besifazane lapha, iminyaka lengemashumi lasikhombisa nesihlanu budzala, labetama kuba nelishumi nesitfupha, babuka emuva futsi batama kugeoka njengoba banelishumi nesitfupha, bahhula tinwele tabo futsi bagcoke tikhindi, futsi bente... Noma ngubani loshayela, abuka esibukweni sekubuka emuva, uyashayisa. Futsi nguleyo indzaba ngelibandla namuhla, libuka esibukweni sekubuka emuva, kuloko lebelingiko. Akumangalisilishayisile laphahlaka. Ningalokotsi... .

¹⁴¹ Pawula watsi, “Niphokophele emgomeni wekuBitwa lokukhulu, ngiyachubeka. Ngiya embili.” Ngiyati uMnumz. Moody bekayindvodza lenkhulu, uMnumz. Wesley bekayindvodza lenkhulu, umnyakato wePhentekhostali, umnyakato weBaptisti, wawumkhulu, kodvwa asiphikelele emgomeni wekuBitwa lokukhulu kuKhristu. Üngabuki esibukweni sekubuka emuva, eminyakeni lengemashumi lamane leyendlula. Buka kutsi yini kusihlwa. Bukani kutsi umBhalo wentani kusihlwa. Wabetsembisa ngalolosuku, kodvwa siphila ngetulu kwalapho manje. Siyachubeka.

¹⁴² Kube-ke Wesley bekabuke emuva futsi wabona loko, Luther, niyabona na? Kodvwa akabukanga kutsi Luther watsini, wabuka kutsi Nkulunkulu watsini. Kube-ke iPhentekhostali yayibuke emuva ngakuMethodisti ke? Niyabona kutsi bewuyoba kuphi na? Nako lapho nikhona, intfo lefanako, niyihlelile futsi nayibamba nayigoga, ningeke nisaya ndzawo. Manje uMoya waNkulunkulu uvele uchubekele embili ngco uphume, uKutsatse ukuyise kulenyi indzawo.

¹⁴³ Sonkhe sikhatsi bayakwenta, inchubo leyentiwe ngumuntfu lapho nonkhe nisetjentwa khona kanjalo, kunjalo futsi njengekuphika kwaKhora, kutsi Dathani nabo bebafunga kanjani kutfola sicuku lesikhulu semuntfu futsi bente inhlangano ngepandle lapho. Nkulunkulu watsi, “Tehlukanise wena, Mosi, kubo, futsi Ngitobagwinya khona enhla emhlabeni.” Futsi loko kwakungumfanekiso weluhambo namuhla, futsi niyakwati, endleleni lebbeke eveni lesetsembiso. Futsi nabo lapho bebakhana. Bebangawukholwa lowomlayeto logcotjiwe waNkulunkulu, lowawuchubekela embili ngco, futsi bebafunga kucala lokutsite bona lucobo. Kuhlala kungaleyondlela njalo.

¹⁴⁴ Umnyakato lobudlabha Israyeli lake wawenta, ngesikhatsi bala umusa, ku-Eksodus 19, futsi batsatsa umtsetfo. NaDathani wenta liphutsa lelibi kabi lake walenta, ngesikhatsi atsi, “Banengi kakhulu baholi ekhatsi lapha ngaphandle kwakho, Mosi.”

¹⁴⁵ Futsi—futsi bekakadze acinisekisiwe kutsi bekaLivi laNkulunkulu lelibonakalisiwe. Bekatsetse lutfuli futsi walugucula lwaya ekubeni ngemazeze. Futsi yonkhe intfo lebekayishito yayifezekile. NaNkulunkulu bekanaye. INsika yeMlilo yayicinisekisiwe, ilenga etikwakhe lapho, futsi noma kunjalo bebafunga kucala lenye intfo letsite. Loko nje lokwentiwe ngumuntfu.

¹⁴⁶ Kungaleyondlela namuhla. Ngulapho la libandla selifike khona. Kunjalo. O, bandla laNkulunkulu lophilako, anifuni yini kubona intfo lephatsekako na? Intfo lephatsekako!

¹⁴⁷ Indzaba lencane ngaphambi kwekukhulekela labagulako. Ngiyatsandza kutingela. Make wami, niyati, u...yena... make wakhe wahola impenisheli. BekaliNdiya iCherokee.

Ngi... nekuphendvuka kwami akuzange kulutsatse lolotsandvo lwemahlatsi. Ngiyakutsandza. Ngulapho la ubona khona Nkulunkulu. Ngulapho la ngacula kubona khona Nkulunkulu, bekungephandle lapho emahlatsini. Ngulapho la Ahlangana natsi khona. Kulapho la Enta khona kukhuluma. Kulapho la letotiNgelosi letisikhombisa tahlangana khona. Nike na... kulotsi, *Banumzane, Sikhatsi Sini Na?*

¹⁴⁸ UMnaketfu Borders nami sasihleti lapho ngalelelinye lilanga, ngesikhatsi leso (simile) sehla, sihhushuhhushane sivela emazulwini, saze sacheketa emadvwala, khona ngetulu kwalapho bengime khona lapho, loko Lakusho, niyabona. Futsi lapho, o, indvodza lamanengi, uMnaketfu Sothmann ekhatsi lapha ndzawanatsite, lomunye we... Terry, ngyiyakholwa ngalapha, bekakhona ngalesosikhatsi. Netintfo, niyaMbona ehlane ngephandle lapho! Ngiyatsandza kutingela. Ngenta loko nje kutsi ngiphumele ngephandle, hhayi kubulala tinyamatane, kodvwa nje kuba semahlatsini.

¹⁴⁹ Ngangivamise kutingela nemfo enhla eNew York, enhla eNew Hampshire, njalo, bekangu—ngumtingeli lokahle. Ligama lakhe kwakunguBert. BekaliNgisi. Nebatali bakhe—bakhe basungulwa, noma basika loko, lapho babita iJefferson Notch, khona lapho, futsi ngale eCarroll Notch, futsi wehlukanisa loko etinsukwini tasekucaleni. KwakunebuNdiya lobuncane ngaye, futsi. Kodvwa bekangulomunye webanembi ngenhlavu labancono kubendlula bonkhe lengake ngababona, nalomunye webatingeli labakahle kubendlula bonkhe. Wawungadzingeki kutsi ukhatsateke ngekuphuma umfune; bekti kutsi bekakuphi. Ngangitsandza kutingela indluzele lenemsila lomhlophetulu lapho. Futsi ton... Futsi ngangenyuka lonkhe likwindla futsi ngitingele.

¹⁵⁰ Bekangumtingeli lokahle impela, kodvwa bekayindvodza lenesibhuku kwendlula onkhe lengake ngahlangana nawo emphilweni yami. Bekenemehlo lanjenggewmgololo, futsi avele nje... Lolohlobo, niyati, njengebesifazane batama kupenda emehlo abo namuhla, luhlobo lolufana nemgololo. Yebo-ke, empeleni bekanalolohlobo lweliso. Futsi akubukeki njengemuntfu, kimi. Futsi ngako be—bengahlala njalo ngitsi kutondza kumbuka. Bekabukeka anebucili kakhulu kanjalo, niyati, abuka ngalawomehlo emaceleni.

¹⁵¹ Futsi bekatsandza kuba nelunya. Futsi bekadubula emazinyane etinyamatane, leyo yindluzele lencane leselizinyane, kungenta nje ngiphatske kabi. Futsi bekatsi, “O, mshumayeli, ufana nabo bonkhe lalabanye. Unenhlitiyo yenkhukhu. Bewuyoba ngumtingeli lokahle kube bewungesuye umshumayeli.”

¹⁵² Ngatsi, “Ngitingela imiphefumulo, Bert.” Ngase ngitsi, “Unamunye lolahlekile.” Niyabona na?

¹⁵³ Futsi yena, “A, suka kuwe!” Watsi, “Billy, ukahle, kodvwa,” watsi, “ungalukhulumi lolohlobo lwentfo kimi.” Ngako beka—bekadubula lawomazinyane lamancane etinyamatane, futsi—futsi loko nje kungenta ngitivele kabi kabi kabi.

¹⁵⁴ Manje kulungile kubulala lizinyane lenyamatane uma umtsetfo usho njalo, manje, bukhulu noma bulili, nje nomayini umtsetfo loyishoko. Bengingugadzi wetinyamatane iminyaka leminengi. Kodvwa bukani, Abrahama wabulala litfole futsi walipha Nkulunkulu, ngako akukho lutfo mayelana nekubulala lizinyane lenyamatane, uma umtsetfo ushito. Kodvwa hhayi nje kuwadubula, uwayekele alale lapho, futsi utente sihlakaniphi ngako; loko kuliphutsa, loko kuliphutsa ekukwenteni. Ngako ngisandza kusho loko kuvikela banaketfu lababatingeli lapha, niyabona, kute nitobona kutsi ngitama kuchaza kutsini.

¹⁵⁵ Manje caphelani loku, kutsi sitfola kutsi lendvodza... Ngalelinye lilanga ngenyukela lapho, umkami nami sasi ndzawonye. Futsi—futsi bekakadze atentele imfengwane loncane leyayikhala futsi ikhala njengelizinyane lelincane nje likhala, niyati, kubhonsa lokuncane nje lokungakavami labakwentako. Yebo-ke, kuphela nje...

¹⁵⁶ Bengisebenta, futsi bengingakacedzi ngesikhatsi, emhlanganweni, futsi ngenyuka ngayotingela naye. Futsi kwakukadze kunencumbi yekutingela lokwentekako, futsi kwekucala kutsi imililo yesibhamu, kulelolive, leto letinemsila lomhlophe... Be—benicabanga kutsi Houdini bekangumhlabeli lophunyulile; bekalifundza, kubo. Nentfo yekucala niyati, betibhaca tonkhe. Futsi uma kunekekhanja kwenyeti, betidla ebusuku; noma tingene ngaphansi kwencumbi yeliplashana noma lokutsite, futsi beti—betinganyakati.

¹⁵⁷ Khona-ke siyabona ngalolosuku, ngatsi, “Bert, a—angeke uze uyisebentise loyo mfengwane mosi?”

¹⁵⁸ Watsi, “A, mshumayeli, unenhliyi yenkhukhu kakhulu!” Watsi, “Ase uhlakaniphe.”

¹⁵⁹ Futsi sacala kuphuma, futsi safaka emasangweji ehembeni letfu—letfu. Futsi besitingela... besitotingela kute kubesemini, etulu ngasemingcengcemeni ngetulu kwe—kwe Presidential Range, bese-ke siyehlukana futsi sibuye entasi. Uma sitfola indluzele, siyati lapho itobe ilenga khona, besiyohamba siyidvonse, elangeni noma lamabili; siyilengise. Ngako kwakukhona cishe, o, ema-intji lamane elichwa, noma lasitfupha, intfo lefana naleyo, kwakusikhatsi sekulandzela umkhondvo lesikahle. Futsi sesuka, sihambisana lapho, senyuka intsaba, kwakute mkhondvo, kwakungekho lutfo. Inyeti ikhanya ebusuku, nendluzele... [Akucoshwanga ethyiphini—Umhl.]

¹⁶⁰ Bert bekasembikwami, ahola indlela, futsi ngako ngangihamba emvakwakhe. Futsi watsi nje kuhlala phansi, kanjalo. Lichwa lase lomile. Futsi wacala kwelulela sandla

emuva, ngacabanga kutsi bekatodla lesangweji bese sivele siyehlukana kusuka lapho, ngoba sasisetulu le entsaben i ngalessosikhatsi. Futsi wafaka sandla emuva *lapha*.

¹⁶¹ Ngase ngicala kutfola isangweji yami, ngase ngicala kutfola indzawo yekubeka sibhamu sami phansi. Futsi-futsi ngacala kutfola isangweji yami, futsi ngacalata.

¹⁶² Wakhipa lemfengwane lencane. Loko, ngacabanga, “Mfana, lelo lichinga lelingcolile kwenta loko.” Ngako watsatsa lemfengwane lencane, wase uyangibuka, kulawomehlo emgololo, wase ubuka etulu kimi. Wafaka leyo mfengwane lencane emlonyeni wakhe, kanjalo. Ngase ngitsi, “Bert, bewungeke wente intfo lenjengaleyo, ungakwenta vele?”

¹⁶³ Watsi, “O,” futsi walushaya kanjalo. Futsi, lokwangimangalisa, cishe emayadi langemashumi lasihlanu kusuka kimi, ngesheya nje, indluzele lenkhulukati yasukuma. Manje, indluzele lensikati ingumake ndluzele. Futsi nayo lapho, nemehlo ayo lamakhulu lansundvu, naletotindlebe timile tibheke etulu. Niyabona, yeva. Manje, beyingumake, niyabona, nemntfwanayo bekakhala. Futsi ngako akunandzaba nomangabe tonkhe leletinye tiyaphuma noma cha, kwakukhona intfo letsite kuyo. Beyingumake.

¹⁶⁴ Ngako Bert bekabukeka kanjalo, futsi walushaya futsi walushayela phansi impela. Naleyondluzele yahamba yaphumela ngco ebaleni. Manje loko akwejwayeleki, akwejwayeleki mbamba, kuphumela ngephandle kanjalo. Futsi yacalata, nenhloko lenkhulu etulu, nemehlo ayo acalata.

¹⁶⁵ Emvakwesikhashana, ngesikhatsi lomtingeli elula sandla futsi watfola lesibamu, wambona lomtingeli. Ngalokwejwayelekile tiyovele titsi shati nje, futsi setihambile, niyati kutsi kunjani, masinyane. Kodvwa, niyati, ayizange seyinyakate. Yavele nje yema yase iyambuka, kabanti, beyijkise inhloko yayo yase iyabuka. Hhe! Ngacabanga, “Bert, ungeke ukwente loko.”

¹⁶⁶ Niyabona, bekangakagcoki nje lokutsite. Beyingakwenti ngekutentisa. Beyingenti nje. Yona, yatalwa kuyo, beyingumake. Futsi loloswane, angikhatsali noma bekubita imphilo yayo, lwalusenkingeni, beketama kutfola loloswane. Lwalusenkingeni. Belusenkingeni, kutivela ngekwemvelo kuyo, beyingumake. Futsi yambona lomtingeli. Kodvwa umcondvo wayo wawungasimayelana nalomtingeli, wawumayelana nalelozinyane lelsenkingeni, lelozinyane lelincane.

¹⁶⁷ Futsi ngako wadvonsa umkhwebulo kule teti-o-sikisi. O, bekangumnembi mbamba. Wacondzisa phansi lesosibhamu. Nga—ngadzingeka nje ngijikise inhloko yami. Angikhonanga kukumela loko. A—angikhonanga kumbuka. Ngacabanga, “Leminye nje futsi imizuzu lembalwa, futsi utoyichumisa inhliitiyo yayo letsembekile; itama kutfola lizinyane

layo, lisenkingeni, ati kutsi lomtingeli ulele khona lapho ehlashaneni.” Futsi bekatochumisa leyonhlitiyo leyetsembekile ichumele ngale, ngenhlavu lenetinhilwayi letilikhulu nemashumi lasiphohlongo ekhatsi lapho. Futsi ngi—ngi... Bekangumnembi lokahle kakhulu. Wasicipha. Ngacabanga, “Angeke nje ngikhone kukumela kutsi ngikubuke.” Ngafulatsela.

Futsi—futsi nga—ngatsi, “Nkhosi, msite, kutsi angakwenti loko.”

¹⁶⁸ Nga—ngadzabuka kakhulu. Lowomake tatane eme lapho, atingela umntfwanakhe, futsi ngangati kutsi bekangatentisi ngaloko. Bekangumake. Bekangagijima, noma kungasiphi lesinye sikhatsi. Bekangeke asukume, natsi sendlula. Kodvwa kwakukhona intfo letsite kuye.

¹⁶⁹ Futsi ngalindza, futsi ngalindza, nesibhamu asizange sichume. Yebo-ke, ngatibuta, “Yini indzaba na?” Futsi ngalindza, ngase-ke ngiyajika kancane impela. Futsi ngabona lendluzele ime ngephandle lapho, yayisolo imbuка. Futsi ngabuka lombhobho wesibhamu, wawenta kanjena. Uvele nje... beketama kubamba kukala, futsi bekangakhoni kukwenta.

¹⁷⁰ Waphonsa sibhamu phansi emhlabatsini, wase uyangularata, nalawomehlo lamakhulu besagucukile. Tinyembeti tatehla etihlatsini takhe. Wangibamba ngemlente welibhuluko, watsi, “Billy, ngiholele kulowoJesu lokhulumu ngaye.”

¹⁷¹ Kwakuyini—kwakuyini na? Wabona intfo lephatsekako. Niyabona na? Lowo make ndluzele lomncane wadzingeka abonakalise kwetsembeka, kwetsembeka impela lokwenta lowomtingeli lonelunya lapho... lobekanenhliyo lembi kunato tonkhe lengake ngayibona. Kwakungesiyo inshumayelo lengayishumayela. Kwakunguloko lakubonile, intfo lebeyiphatseka. Kwakungesiko kwekutentisa. Kwakungesiyo intfombumbulu. Lowo kwakungumake welucobo afuna umntfwanakhe, naloko kwamholela kuKhristu. Ulidikhoni ebandleni lapho manje, umKhristu lomangalisako, ngoba wabona intfo leyayingakabekwa. Kwakungesiko kutentisa. Kwakungiko sibili.

¹⁷² O, mnaketfu, dzadze, uma lelibandla, uma labantfu laba, kusihlwa, uma wena nami! Kunentfo lephatsekako, hhayi yekutentisa nje. Ungahle ubone labanye batentisa nje ngako, kodvwa ikhona intfo lengiyo mbamba. Kukhona lokutsite kumuntfu lokumenta aphilele Nkulunkulu. KunaMoya loyiNgewelee welucobo kusihlwa, mnaketfu, longakabekwa nje. Lapho, uyintfo lengiyo mbamba.

¹⁷³ Futsi bangakhi ekhatsi lapha labangatsandza kuba ngumKhristu kakhulu impela, futsi labatsembeke kuKhristu, kufa, kuhlushwa, noma yini lenye, bewungatsandza kuba ngumKhristu kakhulu impela njengoba leyondluzele

yayingumake na? Ungatsandza, ungeke watsandza kuba nguloko na? Ngingalangatelela kuba ngulolohlobo lwemKhristu. Kutsi ngisho njengaloyo wesifazane lomncane waseSirofenikhe itolo ebusuku, bekungulolohlobo lwemKhristu. Lendlovukazi lencane lesikhuluma ngayo kusihlwa, kwakungulolohlobo lwemKhristu; ngesikhatsi abona intfo leyayiyangempela, bekasalungele. Nkulunkulu sisite, kusihlwa, kutsi semukele intfo sibili, Khristu.

Asikhotsamise tinhloko tetfu umzuzwana nje, sisakhuleka.

¹⁷⁴ Manje ngiyatibuta, kulesakhiwo, kusihlwa, uma kukhona...uma akhona lapha, nisathulile impela, uma akhona lapha longatsandza, futsi ungamatii Khristu njengeMsindzisi locondzene nawe, futsi ungatsandza kuMati njengeMsindzisi wakho, ungasiphakamisa sandla sakho na? Munye, bibili, batsatfu. Nkulunkulu akubusise. Nkulunkulu akubusise. Nkulunkulu akubusise. Nkulunkulu akubusise.

¹⁷⁵ Angati noma bakhona yini labanye lapha kusihlwa, lotisho kutsi ungumKhristu, mhlawumbe lilunga lelibandla lelihle, lesicuku lesikhulu sebantfu, kodywa noko uyati phansi enhlitiywени yakho kutsi awunabo buKhristu enhlitiywени yakho, lobutalelwе kuko. Njengoba nje lowomake bekanjalo, indluzele, yatalelwе kutsi ibe ngumake; yayingumake, kukokonkhe njalonjalo. Futsi ungatsandza kuba ngumKhristu sibili, njengaleyondluzele lengumake lomncane yayingumake; ungasiphakamisa sandla sakho, utsi, “Ngikhulekele, Mnaketfu Branham”? Nkulunkulu akubusise. Nkulunkulu akubusise. Ndzawo tonkhe, etulu kubovulande labasesitezi, ngiyasibona sandla sakho.

¹⁷⁶ Babe loseZulwini, ngangati kancane, ngalolosuku lweLweti lolubanzako, ngime lapho, lichwa konkhe phansi entsanyeni yami, ngimanti, kubona leyondvodza ihleli lapho, kutsi ngakhuluma kanjani nayo, ngabamba sandla sayo, ngakhala nayo, kodywa ngamtjela ngeliBhayibheli nako konkhe. Futsi yatsi, “O, mhlawumbe ucinisile.” Kodvwa kubona Wena utfumela intfo lapho lephatseka kakhulu, loko khona ngco ngendlela yemvelo, kutsi—kutsi a—akakhonanga nje kuhlala angaboni kutsi kwakunentfo lebeyiphatseka. Futsi manje uyinceku yaKho, Nkhosi.

¹⁷⁷ Manje kunalabanengi lapha kusihlwa. Labanye babo baphakamise tandla tabo, Babe, kutsi abakaze babe ngumKhristu, futsi bafuna kuba ngumunye. Nkulunkulu, ungaravumeli nje babe ngulomunye walaba, bagijime nje futsi bajoyine libandla, noma batsatse simo lesitsite, noma sivumokholo, noma umbhabhatiso. Kodvwa akutalwe enhlitiywени yabo, Khristu.

¹⁷⁸ Nalabo labajoyine libandla, bona, bayafuna, Nkhosi, njengoba mhlawumbe lo—lowesifazane lomcane, indlovukazi lencane lebesikhuluma ngayo. Be—bekalambele intfo letsite. Futsi—futsi ba, nabo, Nkhosi. Futsi ngesikhatsi sekabone intfo letsite leyayiyangempela, leyakhomba Nkulunkulu etidalwени letibantfu, bekasalungele ngalesosikhatsi. Wase utsi, “Ayibongwe iNkhosi Nkulunkulu wa-Israyeli!” Bekangasafumi kwenta getimo tebuheneni.

¹⁷⁹ Futsi, Babe, labanengi lapha kusihlwa, akungabateki, bakulesosimo lesifanako. Uma nje bangabona intfo letsite lephatsekako! Futsi Wasitjela ngesikhatsi Ulapha eveni, kutsi kuyokwentekani kulolusuku. Siyatjelwa kutsi Unguye itolo, namuhla, naphakadze. Futsi siyati kutsi Wakhonjwa kanjani, nekutsi baFarisi behluleka kanjani kukubona. Nkhosi, emacembu lafanako namuhla ayehluleka kukubona, ngekuba welisontfo, kujoyina, banetimo letitsite tetivumokholo, nakanjalonjalo. Bona, bayehluleka kubona Mesiya, Moya loyiNgewe le lomkhulu utikhomba Yena lucobo nebantfu, njengoba Wetsembisa kutsi Uyokwenta.

¹⁸⁰ Siphe, kusihlwa, Nkhosi, kutsi ngamunye walaba batocondza futsi babone Bukhona baKho. Futsi kwangatsi singangena enhlitiyweni yabo, lesihloko, “Lomkhulu kunaSolomoni ulapha kusihlwa,” lowo nguJesu Khristu, iNdvodzana yaNkulunkulu levukile, seyilungele kuta nekugucula, nekwenta tinhilityo tibe tinsha, nekutibeka kuto lwati lolutelwe lwaNkulunkulu. Njengalowo make ndluzele lensikati nje, intfo lebekangakaphatselani ngalutfo nayo, ngemusa waNkulunkulu wakhetselwa kutsi abe yindluzele, wakhetselwa kutsi abe ngumake, namake lowetsembekile. Futsi Wasitjela kutsi sa “khetfwa ngaphambi kwekusekelwa kwemhlab.”

¹⁸¹ Ngiyakhuleka, Nkulunkulu, kutsi Utovumela wonkhe walabo labanaloko kudvonsele enhlitiyweni yabo, njengoba kwenta lodzadze lomcane, kutfola Nkulunkulu, kutsi kusihlwa kutobakhona intfo sibili leyentekako, labatoyibona, futsi baMkhonte. “Ngoba lomkhulu kunaSolomoni ulapha.” Sicela eGameni laJesu. Amen.

¹⁸² Manje ngenhloniphо, ngekuthula, ngaphambi nje kwekutsi site e-altari. Ngiyacela, akekho lohamba lapha. Hloniphani ngekutifoba impela umzuzwana. Leli li-awa lelimatima, sikhashana lesizotsile. Tincumo tiyentiwa. Labanengi baphakamise tandla tabo. Ngikholwa kutsi bewucotfo ngalokujulile kuloko, ngesikhatsi usho loko.

¹⁸³ Manje, nivile ngeliBhayibheli, nivile ngaJesu, nivile kutsi BekayiNdvodzana yaNkulunkulu. Nifundzisiwe kutsi Wavuka futsi, futsi niyafundziswa kutsi Unguye itolo, namuhla, naphakadze.

¹⁸⁴ Manje ngabe nguMoya loyiNgcwele lesikhuluma ngawo, ngabe lowo nguJesu Khristu na? Impela, Unguye. Niyabona, UngoNkulunkulu; lowatiwa njengaNkulunkulu, Moya loNgcwele. Akusuye lomunye Nkulunkulu; nguNkulunkulu lofanako. UYise, iNdvodzana, naMoya loNgcwele, akusibo boNkulunkulu labatsatfu; tincenyetintsatfu taNkulunkulu lofanako, niyabona, nguNkulunkulu lofanako nje ngetimo letintsatfu. Niyabona, ngalenyenidlela, tikhundla letintsatfu, kanjalo, niyati; ngesikhatsi Akhonta njengeYise, bese-ke njengeNdvodzana. NguNkulunkulu atehlisa, avela kuMunye Longeke atsintfwe (ngisho nekutsintsinta intsaba, kwakufanele kufe), site siMphatse enyameni.

¹⁸⁵ Futsi manje Ukuwe. Wakungewelisa ngeNgati yaKhe, kute Ahlale kuwe. "Ngalolosuku, niyokwati kutsi NgikuBabe, Babe ukiMi; Mine ngikini, nani nikiMi." Niyabona na? NguNkulunkulu ngetulu kwetfu, Nkulunkulu anatsi, Nkulunkulu kitsi. Niyabona na?

¹⁸⁶ Futsi lowo nguKhristu, kusihlwa, Moya loyiNgcwele. Uyafana. Futsi ni...Ungumyini, futsi nine ningemagala. Banini nekukholwa kuYe. Futsi uma Atotikhomba Yena lucobo, kusihlwa asemkhatsini wetfu!

¹⁸⁷ Manje kube bekeme lapha netibati, leso bekungaba sidalwa lesingumuntfu, leyo yinyama. Noma ngubani angakulingisela loko; sidalwa lesingumuntfu singathlobisa. Noma, mhlawumbe, asati kutsi Jesu bekabukeka kanjani, sine-ne-nemcondvo webadvwebi, isayensi yengcondvo yako, Bekabukeka kanjani; Hofmann bekaneluhlobo lunye, Sallman lolunye, futsi bangakhi labanye!

Kodvwa bewungaMati kanjani na? Bekungaba kwekuPhila kwaKhe.

¹⁸⁸ Ngoba, uma umuntfu eme lapha netibati temanyeva esandleni sakhe, nanomayini lenye, loko bekungaba ngumkholisi; ngoba, uma Jesu cobolwaKhe efika, onkhe emehlo ayoMbona, lonkhe lidvolo liyoguca, nalo lonkhe lulwimi luyalivuma. Impela.

¹⁸⁹ Kodvwa uMoya waKhe ulapha, niyabona. Futsi uma nje singavumela imicondvo yetfu lucobo ishushumbe ibe kuyaKhe. "Akutsi lowomcondvo lowawukuKhristu ube kini." ULivi, neliBhayibheli latsi, "Livi laNkulunkulu." Lokukutsi, bangakhi lowatiko kutsi Jesu bekaLivi na? EBhayibhelini, emaHebheru 4, neliBhayibheli latsi, "Likhaliipa kunenkemba lesika ngetinhlangotsi totimbili, futsi linguMhlol wemicabango yenhlitiyo." Manje, nguloko lokwakukuSolomoni, (Livi, Nkulunkulu) sizatfu bekakhona kuhlola umcabango wabo. Loko kwakukuJesu, niyabona. Nguloko lokulapha manje, Intfo lefanako.

¹⁹⁰ Manje nine khona lapho. Anginawubita lilayini lababakhulekelwako, ngoba ngitokwenta kubitela e-altari. Kungahle kubekhona labanye lapha longakaze abe kulomunye wemihlangano. Angimboni umuntfu kulesakhiwo, lengi-lengimatiko.

¹⁹¹ Lomunye bekangitjela kutsi cishe bekungemashumi lamatsatfu itolo ebusuku, noma ngetulu, ushayile. Niyacondza yini kutsi ngalesinye sikhatsi wesifazane wake watsintsa sembatfo saKhe, futsi Wagucuka, nentfo lefanako yenteka, ne-nemandla aphuma kuYe, Yena iNdvodzana yaNkulunkulu na? Kodvwa Watsi, “Lomkhulu kunalona niyowenta, ngoba Mine ngiya kuBabe.”

¹⁹² Manje kholwani nje futsi nibe nekukholwa, ngamunye wenu, nonkhe khona lapha, kulemibhedze lemincane, tinhlaka, noma ngabe nikuphi. Kholwani! Ningacabangi kutsi anisenatsema.

¹⁹³ Manje kube bengingakuphilisa, bengingakwenta, kodvwa ngingeke sengikuphilise. Ngingatibeka tandla etikwenu, futsi nighlose kwenta loko, kuwo wonkhe umuntfu lonalawomakhadi. Futsi bakhipha emakhadi nsuku tonkhe. Ngako nighlose kwenta loko, kodvwa loko kukutsi, loko, loko kukwekubonakalisa nje kutsi ngiyakholwa nawe.

¹⁹⁴ Kodvwa, bukani, aniMtsintsi ngani nje? LiBhayibheli latsi, “UngumPhristi loMkhulu,” khona manje, “lonekuelana nebutaksaka betfu.” Ngabe kunjalo na? Yebo-ke, uma AngumPhristi loMkhulu, khona-ke impela Bekayokwenta ngendlela lefanako Lenta ngayo ngalesosikhatsi. Bekangeke na? Impela bekatokwenta ngendlela lefanako Lenta ngayo ngalesosikhatsi. Kulungile, manje Mtsintseni ngekukholwa.

¹⁹⁵ Manje, Babe loseZulwini, lomhlangano waKho. Kodvwa ngifundzisile kusihlwa ngalonwa wesifazane lomncane abona intfo letsite sibili, ngesikhatsi abona lowomoya wekuhlola lokufihlakele etikwaSolomoni. Futsi sicinisekile, Nkhosi, kutsi emaVi aKho acinisile. Watsi loko kuyobuya futsi, njengoba kwakunjalo etinsukwini taseSodoma, ngaphambi nje kwekuBuya; futsi Wawunguwe itolo, namuhla, naphakadze. Lemisebenti Lowayenta, natsi siyoyenta. Futsi UngumPhristi loMkhulu, kusihlwa, lonekuelana nebutaksaka betfu. Sidzinga kangakanani-ke tsine?

¹⁹⁶ Adzinga kangakanani lawomaJuda, kubona kutsi BekangumProfethi na? Intfombi ntfo yakhulelw, nato tonkhe letintfo leti, kodvwa, bona, tivumokholo tabaphumphutsekisa.

¹⁹⁷ Nkhosi, kunalabanye lapha labeta kanjalo, mhlawumbe labangaveli eSheba, kodvwa bachamuka etindzaweni letinengi. Ngiyakhuleka, Nkulunkulu, kutsi Utotikhomba Wena lucobo kusihlwa, impela. Bese-ke utikhomba Wena lucobo kubo, njengoba kutivela ngekwemvelo kwalowomake kuleyondluzele

lencane kwenta ngalolosuku. SibaKho, Babe. Khulumha ngatsi, eGameni laJesu. Amen.

¹⁹⁸ Manje ngifuna nibe nekukholwa futsi nikholwe, ngamunye wenu, ndzawo tonkhe ndzawo tonkhe. Futsi khulekani nje. Manje ninga... Bukani nje futsi nikhuleke manje, futsi nje nikholwe. Niyabona, loku kungahle kungabi njalo, Moya loyiNgcwele angahle angatfokoti ngekwenta loku. Uma Angakwenti, ngitobita lilayini lalabakhulekelwako. Kodywa nje mani lapha. Lomuny'umuntfu ngephandle lapho, ngisho noma u... Angifuni wena lonemakhadi ekukhulekelwa. Nje—nje noma ngubani akakhuleke nje—nje. Kusobala, bengingeke ngati, kodywa khulekani nje futsi nibone. Tsani nje, "Nkhosi Jesu, ngiyati leyondvodza ayingati. Ayati lutfo ngami, kodywa ngiyati kutsi ngiyakholwa."

¹⁹⁹ Lukholo lwakho luculekile. Ungacindzeteli manje, noma ugume. Ugcumele khashane nako. Kunawe ngco. Khululeka nje futsi ukholwe. Kholwa nje manje, bani nekukholwa. [Umnaketfu uyaprofetha—Umhl.] Amen. Futsi hloniphani, banini nekukholwa nje, kholwani nje. Ngaletinye tikhatsi kuholwa kwakho akuva, unako futsi awukwati. Lowo wesifazane lomncane bekanako; bekangakwati.

²⁰⁰ Bangakhi kini loke wasibona lesitfombe saleyoNgelosi yeNkhosi, loko kuKhanya na? Kukutsi, kwatsatfwa khona lapha eTexas. Siyiswe, emhlabeni wonkhe jikelele manje.

²⁰¹ Kodywa ucabangani, mnumzane? Uyakholwa, uhleti khona lapha ekoneni? Bekubukeka kwangatsi bewubuka sikhatsi lesidze kangaka. Unetintfo letinengi lettingalungi ngawe. Unetifo letelakanyanako, tintfo letinengi. Manje ngesikhatsi ngisho loko, kuva lokungakejwayeleki sibili kufika kuwe, akukwenti yini? Uma loko kunjalo, phakamisa sandla sakho. Manje ngisihambi ngalokuphelele kuwe, angikwati. Kunjalo. Uyati kutsini? Loko kuKhanya kuvele kwahlala phansi etikwakho. Uyabona na? Nguloko lokuvile, luhlobo lwekutivela lokumnandzi impela. BengikuBukile, uyabona, kwehla ngco.

²⁰² Manje, yebo, ulapha, ufunu kuhulekelwa ngaphambi kwekutsi usuke kulesakhwi. Uma Nkulunkulu atokwembula kimi kutsi iyini inkhatsato yakho, nawe uhleti lapho, nami lapha, ungakukholwa kutsi nguNkulunkulu na? Yi-herniya, lenye yetintfo tenu letinkhulu. Kunjalo. Ngabe kunjalo na? Uma Nkulunkulu atongitjela kutsi ungubani, kutsi ungubani ligama lakho, unekuchumana lokuhle naYe manje, utongikholwa kutsi ngingumpfethi waKhe, noma inceku yaKhe na? Ngiyacolisa, loko kusikhubeKiso kulabanengi, niyabona. Uyakuholwa na? Ligama lakho unguMnumz. Sturgeon. Uma loko kunjalo, phakamisa sandla sakho. Kukholwe, futsi uphiliswe.

²⁰³ Nangu dzadze lomncane lohleti emuva ngco lapho, lonenhlоко lemnyama, khona ngephandle lapha esikhaleni

setitulo. Yebo, wena. Umangele ngesikhatsi loko kushiwo. Manje ngaso lesikhatsi lesi ucala kutivela lokungakejwayeleki, uyabona, intfo letsite lemnandzi impela ikutungeletile. Uma nomangubani atobuka, uma ungaKubona, kuKhanya lokubukeka kusaliphuti kwehlela etikwalodzadze lomncane. Manje inkhatsato yakhe ikutsi, uphatfwa tinhloko letimhlupha kabi kakhulu. Loko kunjalo. Uma loko kunjalo, phakamisa sandla sakho kanjalo. Futsi angikaze ngimbone, emphilweni yami. Liciniso lelo. Kunjalo. Kubulawa yinhloko kuyamkhatsata, njengenhloko lematima, kodvwa titokushiya. Amen. Kukholwe. Manje i . . .

²⁰⁴ Kunendvodza lehleti eceleni kwakho ngco lapho, futsi ingibuke ngekutimisela lokukhulu, naloko kuKhanya kuhamba kuya ngakuye ngco. Nalendvodza iphetfwe yinkhatsato ngemehlo ayo. Kodvwa uma atokholwa, Nkulunkulu utowaphilisa emehlo futsi awasindzise. Uyakholwa na? Kulungile. Angikaze ngikubone emphilweni yami. Usihambi kimi.

²⁰⁵ Awusho, lowomfo lomncane lohleti eceleni kwakho ngco lapho, futsi, uphetfwe yinkhatsato ngenhloko yakhe. Kunjalo. Kunjalo. Angikaze ngiyibone lendvodza, emphilweni yami. Nkulunkulu uyakwati loko, niyabona. Kulungile, uyakholwa.

²⁰⁶ Lendvodza lehleti eceleni kwakho ngco, ifake tibuko, ibuka ngalapha. Yebo, ufake tibuko, kodvwa empeleni loko akusiyo inkhatsato yakho. Unalokutsite lokungalungi ngelicolo lakho, lofuna kukhulekelwa kona. Uma loko kunjalo, jikitisa sandla sakho. Kulungile.

²⁰⁷ Lowomfo lomncane lohleti eceleni kwakho ngco lapho, edvute nawe ngco. Bekanencumbi yetinkhatsato, leyonsizwa inato. Yebo, mnumzane, lobophe thayi lobovu, bewunetinkhatsato letinengi emndenini wakho netintfo. Luhlobo lwekutsi, umkakho ungumfanekiso wemuntfu loshaywa luvalo, futsi uphetfwe ngulolunye luhlobo lwemfutfo enhloko yakho, futsi. Loyo ngu ISHO KANJE INKHOSI. Liciniso lelo. Kunjalo. Kholwa nje. Ungangabati, kodvwa uyakholwa.

²⁰⁸ Nangu wesifazane lohleti emuva lapha. Anikuboni loko kuKhanya kubuyela emuva lapho, futsi kutinte khona lapha na? Uphetfwe yinkhatsato yeliso, nesinye sakhe. O, utoKugeja. Nkhosi Nkulunkulu, ngisite. Ligama lakhe nguNkkt. Chambers. Kholwa ngayo yonkhe inhlitiyo yakho, Nkkt. Chambers. Sukuma ume ngetinyawo takho. Sukuma, kute bantfu babone kutsi unguabani. Ngisihambi, angikaze ngimbone emphilweni yami. Ya. Sekuphelile manje. Jesu Khristu uyakusindzisa.

²⁰⁹ Manje uma lowo kungesuye Jesu Khristu, longuye itolo, namuhla, naphakadze, uphi Yena? Ngabe Wetsembisa kukwenta na? Wonkhe lokukholwako, phakamisa sandla sakho. Kulungile.

²¹⁰ Uyafuna kuba ngumKhristu sibili, wena lophakamise sandla sakho esikhshaneni lesendlulile; njengoba bekanjalo make ndluzele? Ngesikhatsi uMoya loyiNgcwele uselapha, nelugcobo lusetikwetfu sonkhe, kungani ungenti nje indlela yakho, futsi ute ume khona lapha e-altari, umzuzu nje. Uma ufunu Nkulunkulu ngensindziso, ungeta lapha, futsi nje wota lapha kuleli-altari futsi ume lapha nami umzuzu nje? Sukuma. Nguloko-ke. Kunjalo. Nkulunkulu akubusise. Noma ngubani kulesakhiwo, nomangabe ukuphi, ungeta na? Kunjalo. Wota khona manje, wena lofuna kutfola Khristu.

²¹¹ Ungeke uze usondzele kuYe ute uhlanguane naYe. Ulapha. Uyakhonjwa, intfo sibili. Ujoyine libandla, linengi lenu nine malunga elibandla manje, ujoyine libandla kodywa nguloko kuphela lebewunako, ufunu kubona intfo lephatsekako. Uma loko kungesiko impela loko Jesu Khristu Latikhomba kutsi ungiko!

²¹² Bukan lomntfwana lomncane eta lapha, akhala, tinyembeti tehla ebusweni bakhe lobuncane. Akumangalisi, basetsambile. Abakadvonselwa kuyo yonkhe intfo. Lomunye uyeta ehla ngesikhala setitulo, lomunye ngemuva, eta ehla, bantfwana labancane, lapho labadzala sebakwendlulile kwabo. Ungete weta na? Yenyukela khona lapha manje futsi ume ngase-altari. Nine malunga elibandla, nine bantfu lofuna kuba nesentakalo saKhristu enhlitiywensi yenu, ningete neta lapha na? Uma Ati inhltiyo yakho, futsi uyati kutsi bewungeke ukufihle, ningete neta khona manje futsi nime lapha, ngaphambi nje kwekutsi sichubekele embili. Wotani lapha, manini lapha nimele livi lemkhuleko. Nitokwenta?

²¹³ Wota, ukhombise, mmelele Yena. Mmelele. Uma unemahloni ngaYe manje, Utoba nemahloni ngawe lapho.

²¹⁴ Khumbulani, Ulapha. UmBhalo washo kutsi loku kuyokwenteka, futsi lapha Utikhomba Yena lucobo njengalolapha. Uma ulilunga lelibandla, futsi ungamati Khristu njengesentakalo sibili, ungete weta yini kulesikhatsi lesi? Manje, angisuye kakhulu kutsi ngincenge bantfu. Intfo kuphela lengingayisho, kunitjela liCiniso, futsi uma Bukhona baKhristu, buhlanganiswe neLivi laKhe libonakaliswa.

²¹⁵ Etulu kuvulande losesitezi, nine leniphakamise tandla tenu; dzadze, mnaketfu, uma ufunu kwehla, sitolindza khona lapha. Wotani nehle ngco, futsi nibutsane e-altari, nentele livi lemkhuleko nje. Yenta live lati, yenta Khristu ati kutsi wena awunamahloni, ufunu kubangumKhristu mbamba. Ningete neta yini, sisalindze umzuzwana nje noma lemibili na?

²¹⁶ Lunga lelibandla, lelisivuvu, mhlubuki, ungeke weta ume nabo manje na? Wotani lapha futsi nime, nine leningenaso, uma ningenaso sentakalo naNkulunkulu, kutsi ortalwe eMbusweni waNkulunkulu, kanjalo.

²¹⁷ Yini lenye lofuna kuyibona na? Khumbula, ngiyakutjela eGameni leNkholosi, uma ungsitsatsa ngekutsi ngiyinceku yaKhe, lesi sibonakaliso sekugcina libandla lelitosibona, ngekwemBhalo. Leyo kwakuyintfo yekugcina Abrahama layibone yentiwa ngaphambi kwekutsi kufike indvodzana leyetsenjisiwe. Futsi tsine siyiNtalo yebukholosi ya-Abrahama, naJesu wetsembisa iNtalo yebukholosi kubona intfo lefanako Abrahama layibonile, ngaphambi nje kwekutsi umhlaba webeTive ushiswe. Ungabekeli lenye intfo letsite. Sathane atama kukutfolo kutsi ubuke ngale. Wota manje, lapho:

KuneMtfombo logcwaliswe yiNgati,
 Lemunywe emitsanjeni yaImanuweli,
 Lapho toni tibhukusha khona ngaphansi
 kwesikhukhula,
 Kusuka lonkhe libala lato lelical.
 Lisela lelifako lajabula kubona
 LowoMtfombo ngelusuku lwalo;
 Nami angibe lapho, naloku nje ngenyanyeka
 njengalo,
 Hlanta tonkhe tono tami.

²¹⁸ Ningete neta yini futsi nikwemukele manje? Ngilindze umzuzwana nje, lomunye umuntfu angahle ete futsi eme lapha kutokhulekelwa.

²¹⁹ Manje ngitocela bafundisi lapha, bazalwane, yehlani futsi nime nami, ngalapha, sisakhuleka; nebafundisi ngephandle lapho, lokhatsalele, nalabanye balabantfu laba kubomakhelwane benu, lokutokuta ebandleni lakho noma-noma lokutsite, kutsi ukhatsalele i-imiphefumulo leta kuKhristu, futsi ukholwa kutsi lona nguJesu Khristu.

²²⁰ Manje, khumbulani, angisuye Jesu Khristu. Ngingumnakenu, soni lesisindziswe ngemusa. Nginjengoba ninjalo. Kodvwa nguJesu Khristu, uMoya loyiNgcwele lolapha kanye natsi, ugcina Livi laKhe. Akadzingi kutsi ente loku, kodvwa Wetsembisa kutsi Uyokwenta. Jesu bekangadzingeki kutsi aphilise labagulako, kodvwa liBhayibheli latsi, "Wakwenta, kute kugcwaliiseke lokwakwetsenjiswe nguYe."

²²¹ Manje, asinanzaba kutsi hloboluni lwelibandla lokulo; uma ukholwa kutsi Jesu Khristu ukhona, uyakholwa kutsi kukhona sentakalo sekutalwa kabusha, semhabhatiso waMoya loyiNgcwele.

²²² Bafundisi, yen Yukani ngco, emkhatsini walabantfu laba lapha. Yen Yukani ngco emkhatsini wabo, nibeke tandla tenu etikwabo. Sitonikela umkhuleko wabo. Ngicela libandla letfu kutsi lihloniphe ngekutifoba sibili ngangoba ningakhona imizuzwana lembalwa. Sati kanjani kutsi Moya loyiNgcwele utokwentani! Nguloko-ke, ngenani ngco ekhatsi, niticubanise ngco nebantfu. Wotani nitungelete ngco, ngamunye.

²²³ Manje khumbulani, yinye kuphela intfo longayenta, kwemukela loko Lakwetsembisile. Nike nakubona lokuphatsekako kwekuvuka kwaKhristu?

²²⁴ Manje ngitocela libandla uma batokuma umzuzu nje, ngekutifoba nangetinhloniph o kubo. Ngamunye wenu kholwani manje. Vumani konkhe lenikwentile, nguloko kuphela leningakwenta, bese-ke nicela Nkulunkulu kutsi anitsetsele. Futsi niLemukele, niLikholwe. Manje wonkhe umuntfu akakhuleke ngendlela yakho.

²²⁵ Babe wetfu loseZulwini, sita kuWe, nemiphefumulo letisolako. Kutsi kwabakanjani lendzaba lencane, mayelana naleyondluzele lengumake, ibambeke phansi ekujuleni, kutsi bantfu bebafuna kwenta lokutsite, noma ubone intfo lephatsekako; njengalendlovukazi yaseNingizimu, leyavela emikhawulweni yemhlaba, kuva kuhlakanipha kwaSolomoni. Futsi lomkhulu kunaSolomoni ulapha, uMsindzisi weluntfu, Jesu Khristu waseNazaretha! Basindzise, Babe. Tsetselela tono tabo. Geza imiphefumulo yabo eNgatini yeliWundlu, futsi ubanike Iwati lwekutalwa ungumKhristu. Asikho lesinye silwane, akukho lutfo lolunye, lolwalungakwenta loko, ngaphandle kwalomake loyindluzele. Nguloko lebekangikko. Siphe lesosentakalo, Nkhosi, manje, sesentakalo sekutalwa kabusha, eMbusweni waNkulunkulu, lapho Moya loyiNgeweles aseselapho. Siphe kona, Nkhosi. Siphe kona, Nkhosi.

²²⁶ Manje valani emehlo enu, phakamisani tandla tenu, futsi nitsi, yentani kuvuma kwenu, nitsi, “Jesu, manje sengiyakholwa. Ngitsatse njengoba nginjalo. Akusekho lengingakwenta. Philisa umtimba wami logulako. Ngitsatse, Nkhosi. Ngikholwa kutsi Ulapha, Moya loyiNgeweles ulapha atikhomba Yena lucobo. Ngisindzise ngemusa waKho, Nkhosi. Nguloko kuphela lengatiko kutsi kwentiwa kanjani. NgeliGama laJesu Khristu!”

Mnaketfu Grant, ungasihola yini ngemkhuleko? 

64-0306 LoMkhulu KunaSolomoni Ulapha Manje
ESoul's Harbor Temple
EDallas, ETexas E-U.S.A.

SWATI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org